

新
語
林

孝
督

新語林序一

劉臨川之世說新語。採摭漢魏兩晉理言逸事。風流綿邈。至今傳之不衰。陳表姪蕙青。年少積學。廣記博聞。嘗好爲小說家言。近做劉臨川集爲新語林。持草稿示余。余瀏覽一過。知其取材精而用力勤。雖僅以一二十年間見聞所及。排纂而表著之。而網羅無遺。條目悉備。一時才士文人冷語佚事。具見是焉。洵佳構也。

戊午五月既望泗州楊士琦序

著者按。杏城表叔素喜世說新語。官樞府時。每退值。輒手一編自娛。嘗以所藏劉須溪劉應登批本。躬自讎校。重付剞劂。昨年仲夏。予小子以所擬新語林叢稿。包正於公。并乞弁首表章。公閱竟。欣然執筆。頃刻而成。今

是書出世。惜公已歸道山。不獲糾其刺謬。訓誨如昔日也。悲夫。

齋一敬識

新語林序二

藻青仿世說新語作新語林。余弟杏城既爲序之矣。更以屬余。余自少彌嗜劉氏世說。老而不衰。偶效閩人改詩。搜索故實。所得於是編爲多。杏城有言。其紀述言行宏博簡要。有類於史。其爲語雋永元妙。有類於諸子。其文爾雅可玩味。足以爲詞章之助。良然。良然。藻青以世祿家。成積學士。將念年間巨公名儒之種種事蹟。取其淵懿玄遠之言。瑰異卓絕之跡。分門別類。彙集而雅言之。其精核可方劉世說。其整潔不下今世說。自非博雅通達且留心當世之務之士。曷克與斯哉。藻青旣脫稿。走告於余。曰。是書雖幸成就。不敢出而問世。余曰。前賢所作諸世說。全襲他人之辭。蓋事實非可憑虛而構。不得不襲舊文。所謂出於人者也。子所作多獨得之祕。未經人道破者。造詞練句。嘔血不少。所謂出於己者也。出於人。已足稱異。出於己。詎非難能。奈何因循不決耶。藻青唯唯。余喜。

其書之成。爰綴數語於首。

庚申八月泗州楊士晟撰

新語林序三

黎川陳氏。累世皆躋顯要。且以能文章工書法名於天下。凝齋先生而後。若伯常觀察。仲牧太守。良叔廉訪。和叔蘇莊兩中書。仁山石士。鍾溪三侍郎。玉方侍御。伯芝庶常。子鶴尙書。登之鏡之升之。書庭四太守等數十人。或以文著。或以詩名。或以字稱。王謝二氏不能專美於前矣。吾友陳子藻。青克承家學。強記博聞。書法文章。兩俱超妙。楊杏城先生雅器之。嘗屢薦於公卿間。莫能遂所志。自負甚高。雅不欲小就。自貶抑。鍵戶讀書。日夕弗倦。有所得。駸駸於著述。所作臚嚮齋筆記十數卷。皆載諸書報。斐然可觀。今更萃二十年來所睹記者。取法臨川。王劉義慶世說新語。撰著新語林一書。句斟字酌。不欲急就。易稿再三。歷久乃成。方諸何元朗之語林。王丹麓之今世說。足相伯仲。然何氏自西漢迄金元。數十百年。供其綴拾。王氏亦採輯數十年之事蹟。陳子乃以一二十年所見所

聞徒恃記憶筆而成之。幾無一字無來歷。無一詞無興味。以視何王。其難易實相倍蓰矣。讀是書者。既可睹時賢雅言韻事之真象。復足爲個人論世知人之觀摩。陳子素爲序。爲述其旨趣如此。

民國九年十月長沙黃鼎元叙

新語林序四

有一代之政變。即有一代之人物。有一代之人物。即有一代人物之言行。君子觀其言行。即以知一代之治亂。而社會人心風俗習尚所由考焉。然非有人焉。記而述之。則其事不傳。即記矣。述矣。而擇焉不精。語焉不詳。則其事亦未必能傳。吾友陳子藻青。博學敏求。仿世說新語之例。著新語林一編。鳩合民國耆英俊彥之蒿憂瑰畫。偉論奇行。有關世道人心者。成爲若干言。後之讀者。誠欲資掌故。採逸聞。覘政治。民風之盛衰。社會人心之變遷。將於是乎賴。其體例之謹嚴。採擇之精當。猶其次也。春秋傳曰。聲之精者爲言。言之精者爲文。孔子曰。言之無文。行而不遠。文仲子曰。古之史也辨道。今之史也辨文。則是編也可興可觀。是訓是行。固文而史。史而近於道者也。其有關於一代之政治道德人心風

俗又豈淺鮮者。岱陽于傳林。

新語林自序

不佞自少嗜稗官家言。尤酷好劉義慶世說新語。肄業學校時。治科學餘暇。恒手一篇展翫弗輟。及長。隨楊味春表伯於任所。公博通羣籍。喜劉氏世說單詞。隻語雋永元妙。往往舉書中人物言行爲談資。謂恨不爲魏晉人。日與羣彥身親酬酢。不佞媿未嘗學問。讀書每有疑難。輒得公片言而解。公弟杏城表叔。於書無所不窺。好宋人語錄。視公尤篤。在朝雖日與官書爲緣。猶時時省覽。退而在野。幾靡晨夕不手此一卷自娛。比年先後居京師。津門。滬濱。不佞嘗侍側。每集名流爲文酒之會。亦間列末座。公謂臨翰多得是書之助。嘗慨歎今之才人性行與古賢哲不侔。語及士大夫某也。賢某也不肖。品評之公允。論議之平實。無以加焉。不佞飫聞日久。且筆而存之。因不時叩公以時流佚事。公有所知。必語語必詳盡。不佞亦必詳記。積之多。碎紙片片盈篋中。益以他所聞知。擬編次成書。乃倣劉氏世說例。分德行。言語。政事。文學。方正。雅量。識鑒。賞譽。品藻。規箴等三十六條目。題曰新語林。稿初成。出以眎公。時公尙健在。曰。時人而寫時人。

之事。執筆至不易。人情什九好褒惡貶。如德行言語政事方正諸門。其人其事。可爲世師法者。固當奉爲圭臬。即輕詆忿狷。惑溺諸科。要無傷大雅。自新假譎。讒險仇隙諸類。宜取事蹟昭彰者。縱使其人自讀之。亦復無詞可辯。覽子是作。實獲我心矣。未少選以續成之稿。眎公。公猶及見之。迨脫稿而公竟不及見矣。凡所述固以不掩其眞爲主。而行文尙多不欲盡吐之言。非以恩怨爲褒貶。非以好惡定是非。閱時卅有八月。其間人事牽掛。濡滯幾兩越寒暑。復嬰病擱。置久之。顧不佞才疏膽弱。未敢求速稿。凡數易。僅成茲篇。事取其高潔。義取其公正。言取其雋永。或曰。名流大節固多。豈獨藉此一言一行而傳。不知此雖動止語默之細。皆足爲讀書窮理之助。亦可覘社會之風尙。人心之趨嚮也。劉臨川取漢魏兩晉數百年之軼事。類纂成書。而不佞欲以廿年間所見聞。爲東施效顰。世之覽者。毋亦笑不佞之心勞日拙。然而不佞固非敢自誇撰著。聊資世人之談助云爾。

辛酉之春黎川陳瀨一自序

新語林例言

(一)是書名賢。斷自民國爲準。有文章事業顯於勝滯。而歿於民國者。不可不謂今之人也。均爲採入。

(二)世說新語稱謂最多。是書依例於名賢或稱名字。或稱官爵。或稱地望。或一人三四稱。閱者以次詳視可得。直恐乍檢無緒。攜其尤者。別爲諸人名字異稱一覽表於編首。以便省覽。

(三)是書就事論事。如此事可入德行。即入德行。可入文學。即入文學。餘皆做此。

(四)是書每一條目所列諸人。不以一人一事爲限。如其人政績有數可舉。則俱入政事門。餘皆做此。

(五)是書諸人家世履歷及諸事實。以次隨註。再見。則註見前別之。

(一)是書條目。俱遵世說新語原編。卷目依今世說例。分晰爲八卷。

(二)前作世說諸公。博引旁徵。所採書目。多至數百餘種。少亦百數十種。是編全憑胸臆所及。顧一人聞見有限。世事洪纖無窮。畫虎之諠。固所不辭。遺珠之憾。更所難免。

(三)時賢履歷。徵求甚難。所載爵里事略。不敢憚煩。廣爲蒐輯。若徧覓不得。姑闕以俟之。尚祈海內大雅宏達。匡其不逮。糾其刺謬。幸甚。幸甚。

新語林人物名字異稱一覽表

●元首（以任職先後爲序）

袁世凱 字慰廷 亦字容菴 亦稱項城 亦

稱總統

黎元洪 字宋卿 亦稱黃陂 亦稱總統

馮國璋 字華甫 亦稱河間 亦稱總統

徐世昌 字菊人 亦字弢齋 亦稱書齋主人

亦稱東海 亦稱總統

●授席（凡曾授國務總理或樞國務總

理或與國務總理官階相等者均列入

此門諸人以姓氏筆劃多寡爲序）

王士珍 字聘卿 亦稱上將 亦稱總理

朱啓鈞 字桂莘

伍廷芳 字秩庸 亦稱博士

李經羲 字仲軒 亦稱合肥 亦稱總理

汪大燮 字伯唐

段祺瑞 字芝泉 亦稱上將 亦稱合肥 亦

稱總理

唐紹儀 字少川 亦稱香山 亦稱總理

孫寶琦 字慕韓 亦稱總理

陸徵祥 字子欣 亦稱總理

楊士琦 字杏城 亦稱泗州 亦稱左丞

趙秉鈞 字智菴 亦稱烟客 亦稱坪林外史

亦稱總理

熊希齡 字秉三 亦稱鳳凰 亦稱總理

錢能訓 字幹臣 亦稱右丞 亦稱總理

薩鎮冰 字鼎銘 亦稱上將

龔心湛 字仙舟

●文官（以姓氏筆劃多寡爲序）

阮忠樞	字斗瞻	
沈雲沛	字雨人	
沈秉堃	字幼嵐	
沈敦和	字仲禮	
沈金鑑	字叔庸	
沈兆祉	字小沂	
吳 蔣	字子明	
吳笈孫	字士淵	
吳慈培	字佩伯	
宋教仁	字鏡初	亦字漁父
宋名暉	字慕莪	
岑春煊	字雲階	亦稱西林
周樹模	字少樸	亦字沈觀
周學熙	字繼之	
周自齊	字子沂	
周善培	字孝懷	

周嵩堯	字响之	亦稱頌公
周炳蔚	字虎如	
孟憲彝	字秉初	
屈映光	字文六	
易順鼎	字實甫	亦字中實 亦稱哭菴
仰福灑	字厚甫	
金 永	字道堅	
金邦平	字伯屏	
冒廣生	字鶴亭	
施肇曾	字省之	
施肇基	字植之	
施 愚	字鶴雛	
段書雲	字少滄	
胡惟德	字馨吾	
胡朝宗	字改菴	
倪人瑞	字佩芳	

唐景崇	字春卿
唐文治	字蔚芝
唐瑞銅	字士行
夏壽康	字仲膺
夏壽田	字午詰
夏敬觀	字劍丞
孫多森	字蔭亭
孫毓筠	字少侯
孫多祺	字南蕉
孫發緒	字純齋
孫洪伊	字伯蘭
徐鼎康	字錫丞
徐佛蘇	字佛蘇
徐元皓	字寒松
袁思亮	字伯葵
高而壽	字子益

亦字曩菴

亦字映菴

高 种	字子來
高巨環	字環夫
張鳴岐	字際伯
張 蹇	字季直
張元奇	字貞午
張鎮芳	字翰菴
張一巖	字仲仁
張羅甘	字鑄西
曹汝霖	字潤田
凌福彭	字潤臺
章宗祥	字仲和
梅光羲	字擲雲
莊蘊寬	字思緘
許鼎霖	字九香
許世英	字雋人
許寶衡	字季湘

亦字高菴

亦稱南通

梁啟超	梁士詒	梁如浩	梁誠	梁敦彥	陸長佑	陸宗輿	陶葆廉	陳其美	陳紹祖	陳士廉	陳錦濤	陳昭常	郭則澧	郭宗熙	郭曾圻
字卓如	字燕孫	字孟亭	字震東	字棧生	字孟甫	字問生	字拂存	字英士	字繩武	字公備	字瀾生	字簡持	字筱蕙	字侗伯	字春榆

亦字翼平

亦字任公

亦稱飲冰

亦

楊士戩	楊增華	楊敬	楊度	黃濬	黃國璋	程德全	湯散	湯化龍	湯壽潛	傅寶惠	屠作倫	傅嶽棻	傅增湘	梁鴻志	稱新會
字蔚霞	字羽谷	字季子	字哲子	字秋岳	字秦生	字雪樓	字覺頓	字濟武	字整仙	字恭孚	字新之	字芷薌	字沅叔	字樂異	
			亦字虎公		亦字凝齋				亦字整龍				亦字寶菴		

楊士鈞	字采南	亦字耐菴
楊士聰	字菱青	
楊毓璋	字霽川	
楊毓璠	字晴川	
楊毓璵	字星川	
楊毓琇	字朗川	
楊毓瑩	字潤川	亦字先知
楊忠嗣	字樹棠	
董康	字綬經	
盧熙正	字熙正	
裴景福	字伯謙	
趙爾巽	字次珊	
趙惟熙	字芝山	
趙椿年	字劍秋	
趙從蕃	字仲宣	
趙炳麟	字竺垣	

齊耀琳	字震巖	
齊耀珊	字照巖	
劉若曾	字仲魯	
劉式訓	字芷升	
劉心源	字幼丹	
樊增祥	字雲門	亦字樊山
蔡元培	字鶴卿	亦字子民
蔡儒楷	字子賡	
蔡寶善	字師愚	
蔣維喬	字竹莊	
鄭沅	字叔進	
鄭孝禮	字稚莘	
錢洵	字念劬	
謝遠涵	字敬虛	
藍光策	字子彥	
璩珩	字公節	

譚延闓	字組菴
譚人鳳	字石屏
關廣麟	字穎人
嚴修	字範孫
嚴復	字又陵
顧環	字聖蓮
顧維鈞	字少川
顧鰲	字巨六
饒漢祥	字密僧
●武將	同上
尹昌衡	字太昭
王占元	字子春
王天縱	字旭九
田中玉	字耀山
朱慶澗	字子喬
朱瑞	字介人
	亦字幾道
	亦字止園

江朝宗	字宇澄
吳佩孚	字子玉
吳光新	字自堂
李純	字秀山
李厚基	字培之
李根源	字印泉
李烈鈞	字協和
林述慶	字頌亭
姜桂題	字翰卿
段芝貴	字香巖
胡景伊	字文瀾
倪嗣冲	字丹忱
唐繼堯	字肇贛
徐樹錚	字又錚
徐寶山	字寶三
馬福祥	字雲亭

張錫鑾 字金坡 亦字今顏

張勳 字紹軒

張懷芝 字子志

張廣建 字勳伯

張作霖 字雨亭

張敬堯 字勳臣

曹錕 字仲三

郭人漳 字葆生

陳宦 字二安

陳光遠 字秀峰

陸榮廷 字幹卿 亦稱武鳴

陸建章 字朗齋

萬德尊 字宗石

湯壽銘 字錡新

鈕永建 字惕生

馮德霖 字麟閣

馮玉祥 字煥章

黃興 字嘉強

楊善德 字樹堂

董道勝 字耀庭

雷震春 字朝暉

趙側 字周人

劉銳恆 字春霆

蔡鐸 字松坡

蔣方震 字百里

鄭汝成 字子進

閔錫山 字百川

歐陽武 字南雷 亦稱止戈和尙

●清室遺臣 同上

丁寶銓 字衡甫 亦字默存

于式枚 字晦若

王乃徵 字聘三 亦字病山 亦稱濼道人

毛慶蕃	字實君	
左孝同	字子襄	亦字遜齋
安維峻	字曉峰	
朱祖謀	字古微	亦字蕪尹 亦稱張村
江春霖	字杏邨	亦稱梅楊山人
余誠格	字壽屏	
余肇康	字堯衢	亦字敏齋
呂海寰	字鏡宇	
吳重熹	字仲怡	
吳郁生	字蔚若	亦字鈍齋
吳慶坻	字子修	亦字敬齋 亦稱爲補松老人
沈家本	字子惇	亦稱枕碧
沈瑜慶	字愛蒼	亦字濤園
沈曾植	字子培	亦字乙盦 亦稱寐叟
沈曾桐	字子封	

沈 術	字淇泉	
李經方	字伯行	
李經邁	字季高	
周 馥	字玉山	
林紹年	字贊虞	
林開蕃	字詒書	
俞廉三	字履軒	
俞明震	字恪士	亦字觚齋
柯逢時	字巽菴	
姚文傳	字稷臣	
胡思敬	字瘦唐	
徐致靖	字子靜	
徐 珙	字花農	亦字玉可
徐定超	字班侯	
秦樹聲	字宥橫	亦字晦鳴
袁樹勳	字海觀	亦稱抑戒老人

袁勵華	字珏生	盛官懷	字杏孫
張人駿	字安圃	黃思永	字慎之
張曾敷	字筱帆	楊文鼎	字俊卿
張元濟	字菊生	楊士燮	字味春
陳夔龍	字筱石	葉爾慎	字伯皋
陳邦瑞	字瑤圃	鄒嘉來	字紫東
陳寶琛	字伯潛	趙一淵	字醴泉
陳夔麟	字少石	趙熙	字堯生
陳宗燭	字麓賓	趙啓霖	字芷孫
陳榮昌	字筱圃	趙金鑑	字勁修
陸潤庠	字鳳石	劉春霖	字雨三
梁鼎芬	字節菴	樊恭煦	字介軒
傅爾泰	字夢巖	鄭孝沂	字蘇齋
勞乃宣	字玉初	錢紹楨	字錦伯
馮煦	字夢華	瞿鴻禨	字子玖
恽毓鼎	字薇孫	魏光燾	字午莊
			亦字止齋
			亦字太夷
			亦稱海藏
			亦稱藏山
			亦稱渭夏

●滿蒙貴族 同上

三多 字六橋

升允 字吉甫

世鐸 清禮親王

世續 字伯軒

那桐 字琴軒

長庚 字壽伯 亦字少白

定成 字正平

奕劻 清慶親王

貽穀 字蕩人

斌循 字孟博

善耆 清肅親王

熙鈺 字寶臣

瑞徵 字莘儒 亦字恕齋

載澧 清醇親王

載澤 清輔國公

載振 清貝子

載瀾 清貝勒

載洵 清貝勒

溥倫 清貝子

溥侗 清將軍

增韜 字子岡

錫良 字清卿

錫嘏 字壽臣

鐵良 字寶臣

●清室故官 同上

力鈞 字醫隱

王崧 字子雲

王煜 字石琴

王存善 字子展

朱啓鳳 字小笏

吳葆初 字彥復 亦字蕙公 亦稱北山

沈保衡	字子均	亦字穆堂	楊宗稷	字時百	
李葆恂	字文石	亦字猛菴	廉泉	字惠卿	亦稱南湖
李鵬飛	字梅孫	亦稱梅道人	鍾雲鵲	字非園	亦稱岫雲
岑熾	字盛之		嚴良勳	字子猷	
范中倍	字成齋		歐陽霖	字閔生	
胡國瑞	字瓊笙		●文學家 同上		
寇昌堪	字丹階		丁福保	字仲祐	
姚旭明	字橫溪	亦字熙伯	王闈運	字壬甫	亦稱湘綺
徐錦堂	字浦臣		王先謙	字益吾	
馬楨楡	字季立		王國維	字靜盦	
高雲麟	字白叔		王鍾麒	字无生	
陳夔麒	字幼石		朱寶瑩	字琇甫	
梁濟	字巨川		朱聯沅	字芷青	
曾習經	字剛甫		吳士鑑	字綱齋	亦字公察
程贊清	字輔堂		吳敬恒	字稚暉	亦稱含英
楊毓秩	字揆山		狄葆賢	字楚青	亦字平子

宋育仁	字芸子	
宋伯魯	字芝田	亦字子頌
李 詳	字審言	
李宜巽	字拔可	
李煜灝	字石竹	
汪文溥	字蘭皋	
汪兆銘	字精衛	
汪 懋	字孝農	亦字笑儂
况周頤	字蕿笙	亦稱眉廬
周希哲	字希哲	
易培基	字寅村	
林 紆	字琴南	亦字畏廬
林景行	字苑奇	亦字寒碧
林可培	字友蘭	
邵瑞彭	字次公	
柯紹忞	字鳳孫	

姚智元	字石頑	亦字謙三
姚永概	字叔節	
姚錫鈞	字鱗鎬	
柳乘疾	字亞子	
胡朝梁	字子方	亦字詩廬
孫 雄	字師鄭	
徐 珂	字仲可	
袁克文	字豹岑	亦字寒雲
桂念祖	字伯華	
徐成德	字章甫	
馬其昶	字通伯	
高 燮	字吹萬	
高 旭	字天梅	
康有爲	字長素	亦字更姓
康寶忠	字心孚	亦字率蘆
曹允源	字根孫	亦字復盒
		亦稱南海

曹元忠	字君直		黃中慧	字秀伯
章炳麟	字枚叔	亦字太炎	黃遠庸	字遠生
章 棧	字一山		黃炎培	字任之
陳三立	字伯嚴	亦稱散原	楊守敬	字惺吾
陳 衍	字叔伊	亦稱石遺	楊希晉	字平可
陳澧然	字劍潭		楊錫章	字了公
陳 詩	字子言	亦字鶴柴	廖 平	字李平
陳曾壽	字仁先		潘飛聲	字蘭史
陳去病	字巢南		蔣玉棧	字頹青
陳 鶴	字逸菴		鄭文焯	字叔問
曾廣鈞	字重伯	亦字蓀民	魯 堅	字浚伯
麥孟華	字穉博	亦稱鄭菴	繆荃孫	字筱山
竇調元	字太一		羅振玉	字叔羶
程家樸	字韻蓀		羅惇叟	字揆東
黃 侃	字季剛		廬樹柏	字槩子
黃 節	字晦閒		歐陽漸	字芄無
				亦字瘞公
				亦稱蘇風老人
				亦稱大鶴仙人
				亦字苦壺
				亦稱補廬

●書畫家 同上

王震 字一亭

伊立勳 字峻齋 亦稱石琴

沈泊塵 字泊塵

李瑞清 字梅盦 亦字梅癡 亦稱清道人

吳俊卿 字昌頌 亦字出壺 亦稱苦鐵

汪洵 字淵若

汪洛年 字鬪客

何維樸 字詩孫

姚華 字重光 亦字茫父

符鏞 字鐵年 亦字瓠菴

高竄 字逸之

張祖翼 字逸先

陳衡恪 字師曾

曾熙 字季子 亦字農髻

趙世駿 字聲伯

蔣維翰 字克莊

魏 龔 字鏡三

蘇元瑛 字子毅 亦字曼殊

麻元濟 字萊臣 亦字虛齋

●藝術家 同上

于 口 字嘯天

王君直 字君直

王玉峯 字正如

朱 口 字理叟

何積燁 字辛叔

徐文丞 字彬亭

段 口 字駿良

亞康節

馮 如 字鼎三

鈞金鯨

章 華 字曼仙

詹天佑 字春誠

顧思浩 字水如

顧憲成 字曉舟

歐陽熙 字平齋

●代議士 同上

丁世燾 字佛言

沈惟賢 字思齊

段世垣 字次珊

章士釗 字行嚴 亦字秋桐

張相文 字蔚西

陳家鼎 字漢元

景耀月 字太昭

趙藩 字介菴 亦稱石禪老人

劉成禺 字麟生

蔣輔成 字慧僧

●方外 同上

寄禪 亦稱八指頭陀

學信

●婦人 同上

王淑貞

朱憲儂

沈氏

沈壽

吳芝瑛

吳翊男

何金蘭 字栲理

何愛文 字景秋

施淑儀 字學詩

徐仁慧

徐自華 字寄塵

徐新華

陸文偉 字豨秋

張氏

梁令嫻 字蕊蘅

賈容淑

趙鳳 字似昇

華金婉 字秀芬

魯蓮貞

薛錦琴

繆嘉惠 字素筠

● 賁子 同上

丁理 字治平

汪希張

高煥 字君明

溥儀 清宣統帝

● 別類 同上

王毓岱 字海帆

杜建章 字星生

金鶴翔 字炳陶

范光啓 字鴻仙

倪政恒 字洪璇

袁克定 字雲臺

陶成章 字煥卿

費啓豐 字鑑清

黃樹中 字立人

聞椿如

熊升恒 字健菴

鄧通 字子通

魯奎元 字繼生

新語林目錄

卷一

德行……

卷二

言語 政事……

卷三

文學 方正 雅量……

卷四

識鑒 賞譽 品藻 規箴……

卷五

撻悟 夙慧 豪爽 容止 自新……………

卷六

企羨 傷逝 濼逸 賢媛 術解……………

卷七

巧藝 寵禮 任誕 簡傲 排調 輕詆……………

卷八

假譎 黜免 儉嗇 汰侈 忿狷 讒險 尤悔

鞿陋 或溺 仇隙……………

新語林卷一

德行

陳麓賓。高子益。同官京曹。並有令德。傅夢巖曰。麓賓一介不取。子益一塵不染。清亮純潔。可師可法。

陳名宗。媯。山東東阿人。庚辰進士。授戶部主事。擢郎中。改度支部。授右參議。三遷至左丞。高名而謙。福建長樂人。由舉人留學法國。佐岑西林幕。累保道員。授雲南臨安開廣道。擢雲南交涉使。內綱外務部左丞。復外簡雲南布政使。入民國。充駐比國公使。任滿歸國。補外交次長。傅名蘭。秦蒙古人。乙未進士。由戶部主事。歷官至度支部右丞。

沈子培。在官清介。爲安徽布政使時。被服蕭然如諸生。有以苞苴謁者。沈嚴拒之曰。吾一日在任。爾輩無望。茲事之行也。衆皆動色。縮手相戒。不可以嘗試。一時歌誦滿皖山。

沈名會。植。浙江嘉興人。庚辰進士。授刑部主事。擢總理各國事務衙門章京。外簡江西遺缺知府。調南昌。首府。擢鹽法道。再擢安徽提學使。督布政使。護理巡撫。乞病歸。沈博極羣書。熟讀金元史。學輿地。餘

詳見文學門。

袁慰廷。慷慨好施與。以善爲樂。寒士多依爲生。天津徐菊人。以孝廉館淮陽縣。署往遊其別墅。閣者外出。袁方在書齋讀書。徐不問主人。逕入。袁起立揖談。互相傾服。遂定交。徐固貧。資之。使人都應試。旣成進士。袁益器之。嘗對人曰。菊人。妙才也。

袁名世凱。河南項城人。廩貢生。參吳武壯戎幕。由同知以功累保至道員。擢任出使朝鮮大臣。韓亂歸國。授直隸布政使。擢兵部侍郎。充練兵大臣。已而授山東巡撫。晉直隸總督。兼北洋大臣。調外務部尙書。兼軍機大臣。政務大臣。憲政編查館大臣。宣統初元。以足疾放歸田里。三年。起爲湖廣總督。未之任。授內閣總理大臣。民國成立。以勸清室遜位功。被舉爲臨時大總統。二年。正式國會召集。選舉爲大總統。五年。自稱皇帝。改元洪憲。蔡鐸等舉兵反抗。憂憤而卒。

徐名世昌。直隸天津人。丙戌進士。授編修。佐袁世凱治軍京畿。以勞保道員。超擢商部左丞。旋開缺。加副都統銜。充練兵處提調。擢會辦練兵大臣。歷任兵部侍郎。兵部尙書。民政部尙書。東三省總督。郵傳部尙書。軍機大臣。兼政務大臣。憲政編查館大臣。協辦大學士。體仁閣大學士。內閣協理大臣。軍諮大臣。授太保。卅革後。僑居青島。民國三年。任國務卿。四年。辭職。五年。再任國務卿。七年。馮代總統任滿。國會選舉爲大總統。

林琴南少時見婦人輒蹙踣隅匿讀書蒼霞洲上有莊氏者色技絕一時逼而見之林遂遁去。

林名紆福建閩縣人舉人工詩古文辭善繪事貧居自隱於小說譯著歐美小說百數十種世遂以小說家稱之并有畏廬文集畏廬續集等書。

楊味春生平篤於風義其戚杜星生年逾四十妻死無子欲納妾又無資楊惻然憫之曰我與若干金物色一佳麗如何杜稽首納其金買一女置篋室女固平陵狄氏婢也未三稔連舉二雄杜氏嗣續賴以不斬。

楊名士安徽泗縣人甲午進士殿試二甲由工部員外郎赴日本考查學務充橫濱總領事官回國補授江西道監察御史督理京師五城街道典山西副主考授兵科給事中以弟士驥巡撫山東例不得爲諫官遂外簡山西平陽府知府調大同府知府再調浙江嘉興府知府杭州府知府擢浙江巡按道鼎革後杜門謝客有欲薦公於政府及推舉爲國會議員者公皆嚴詞以拒之杜名建章浙江嘉興人縣丞江寧布政使杜文瀾之姪善歌。

蔣克莊偕友共厲滬旅舍友病蔣日夜侍湯藥已之事都置不理友感激垂涕曰吾病非旦夕可愈子所事曷可久攔蔣曰君病篤應有人扶持生死關頭余

烏能辭其責耶。友復嗚咽曰：子遇我良厚，我愈不自安矣。

湯名維瀚，江蘇武進人，以善畫有名於世。

湯轍仙，樸實無華，出恒徒步居武林。時一日天雨，草笠敝屨，詣巡撫增子固坐談良久，及辭，增呼其輿馬，湯笑向差役索笠自執之，揚揚出門去。增退而對幕客張仲仁語之，嘆曰：轍仙毫無官場習氣，猶是書生本色。

湯名壽酒，浙江紹興人。壬辰進士，授廣吉士散館，選安徽青陽縣知縣，超擢兩淮鹽運使。未之官，遷雲南按察使，亦未之官。再授江西提學使，復不抵任，以疏劾盛宣懷落職。辛亥杭州起義，被舉爲浙江都督。

增名龜，蒙古人，起家佐貳，歷官至浙江巡撫。民國任參政院參政。

張名一，廬江蘇吳縣人。

壬午副榜乙酉舉人，考取經濟特科，以知縣即用，分發直隸。袁世凱督直，耳其賢，延入幕，薦授天津海防同知，保知府。民國爲公府秘書，政事堂成立，授機要局局長，擢教育總長，馮國璋代大總統，任爲公府秘書長。

錢銘伯，禮義自維，不苟言笑。其對親友宗族之有所求者，雖不必盡有安置，而授餐餽贖無不如其意，以去。衆皆傾心相向，稱其鉅德不可及。

錢名紹，浙江嘉善人。壬午優貢，由工部郎中改官湖北道員，一度任安襄鄂荆兵備道，政績卓著，鼎

革儀杜門不仕。對於地方諸慈善事業。靡不樂爲之。鄉里交稱曰善人。其長子名奉。留學巴黎。研精法律。官司法部參事。

李梅菴。貞固醇篤。禮法自持。既提學江寧。溫粹樸素。依然儒者。一時人士皆奉爲楷模。

李名瑞。清江西臨川人。出身翰林。以道員試用江南。三擢江寧提學使。一擢江寧布政使。鼎革後。僑寓淞濱。改黃冠爲道士。鬻書爲活。歲入甚豐。朱瑞以五千金乞爲其母壽。志銘李笑謝之。其高潔誠今世罕觀。

江杏邨。躬耕深山中。鄉鄰有伯仲爭田產。持械互鬪。江親調解之。不聽。乃長揖曰。兄弟鬩於牆。外禦其侮。奈何勿省悟。爭者棄械叩首謝罪。

江名春。雲南建甯人。由翰林官御史。有聲諫垣。因彈劾權貴。還詞館。乞歸養親。同官開歡送會。到者逾千人。江賦詩三章留別。詩云。朱雲汲黯昔稱賢。懸直羞將譽並延。葵藿有心空向日。菘蕹無力可回天。放歸田里原應爾。得返蓬瀛豈偶然。官錦舊袍萊子服。雷轟雨露總於全。一別家鄉又九年。倖餘祇剩買書錢。久無甘旨供堂上。獨有平安到客邊。班列神仙知不賤。老來母子料應憐。他時聖主如垂問。爲道之推已隱緜。殷勤樽酒足留連。驪唱還兼寫鳳箋。俊逸清新今鮑庾。悲歌慷慨古幽燕。良朋何日

重携手。事主同時半比肩。莫怨別離六千里。北來南去信能傳。陳汝菴等皆和之。民國七年春歿於家。張菊生事母至孝。母嚴於禮教。菊生曲意承歡。非禮勿言。非義弗取。

張名元濟。浙江海鹽人。壬辰進士。授庶吉士。散館。授戶部主事。戊戌政變。革職。再起授四品京堂。嗣擢學部副大臣。辭不赴任。爲商務印書館總編輯。旋兼總理。學畫精密。社會稱之。

升吉甫。既辭陝甘總督。暫居西安。每晨出。常布衣徒步入市肆。食酒饌。且共販。率並坐。諧談久之。肆主始知爲前任督部。潔室待之。升至肆。主整衣肅容迎於門外。升異其詰之。肆主曰。俗眼不識貴人。制軍屈臨者。屢簡褻良深。升笑曰。子誤矣。余都人而商於是者也。於是遂去。

升名允。滿洲人。舉人。由部曹外簡陝西督糧道。累擢至陝甘總督。

黃季剛。流竄東瀛。以不得返鄉里。上先人冢墓爲憾。宵中魂夢繞母丘墓。既寤。悲傷至於吻且。其師章炳麟稱季剛念母。若與阮籍同符。

黃名侃。湖北蕪湖人。

陳瑤圃。清操自厲。爲度支部侍郎。例得飯食銀。至鉅。辭不受。曰。堂官少司員多。

以堂官所應得者分潤於司員。雖其費無幾。而諸人都不無少補。

陳名邦。浙江慈谿人。進士。授主事。累官度支部左侍郎。鼎革後。寓上海。閉戶課子。不問時事。

岑盛之初。爲陝甘總督陶模幕客。陶去。薦於巡撫岑雲階。雲階先世固浙籍。與盛之同族。且爲昆季。相見大歡。事無洪纖。視盛之一言而決。屢疏薦其賢。盛之堅却之。其時方任長安縣縣丞。雲階曰。君旣不欲仕。而戀棧此貳尹。奚爲者。盛之曰。縣丞雖卑。官所入足贍吾一家。富貴人之所欲。吾自相無似。不敢作非分之想。

岑名熾。浙江紹興人。以諸生納資爲縣丞。授陝西長安縣縣丞。工書。能文章。

岑名春。煊。廣西西林人。舉人。由郎中擢五品京堂。晉太僕寺少卿。外簡廣東布政使。擢陝西巡撫。移山西。歷任陝甘四川兩廣總督。郵傳部尚書。加太子少保銜。民國任福建鎮撫使。漢粵川鐵路督辦。丙辰西南諸省共起討袁。建軍務院於肇慶。推春煊爲副撫軍長。頒行撫軍長事。

葉伯舉閉戶念佛。貧至弗能給朝夕。處之宴如。或勸之曰。公何不出仕以求飽。葉懼而不答。

葉名爾。博。浙江杭縣人。庚寅進士。授編修。督甘肅學政。旋任雲南提學使。辛亥之變。懷學署存款鉅萬。

變。交軍政府。被縛。衆敵之。幾死。遇救得免。

魯繼生。爲人謹厚。事親盡色。養之孝。母病目。膿血滿背。邊日夜數舔之。然後塗藥。十年如一日。母歿。一慟幾絕。弔者爲之落淚。

魯名奎。元江西黎川人。

黃秦生。自高陽令移博野。前任何芳徠。係故交。病且死。割歲俸之半助之。迨解任。囊橐如洗。不克成行。所親某責其不應從井救人。秦生曰。君讀書人。詎未知患難相助。疾病相扶持耶。

黃名國。道貴州息烽人。以知縣分發直隸。歷署高邑。高陽。博野。清豐。授定興。調補清苑。再調深州。易州。累保至道員。民國爲獻縣知事。調薊縣。擢四川財政廳長。陟四川巡按使。

丁衡甫。外和內剛。爲清末彊吏之賢者。鼎革後。僑居滬濱。課讀諸子。不問世事。袁總統屢徵不起。突任爲水利局總裁。丁辭曰。老朽不堪爲世用。毋相逼太甚。且賦詩示意。

丁名寶。銓江蘇淮安人。己丑進士。授吏部主事。擢郎中。外簡廣東惠潮嘉道。擢山西按察使。陟布政使。晉巡撫。戊午冬被劾。於上海死。時年未六十也。

錫壽臣與某友善。某設肆京師。虧巨資。乃議定以肆爲彩。售票五萬張。中首彩者得肆。及期。錫獲焉。商賈紛紛具金爭購其肆。錫皆拒絕之。詣某曰。君債已償。可無憂矣。某曰。吾肆非已屬公耶。錫曰。然。余何忍據君之肆爲己。有出票焚之。某慚不自安。堅請受肆。錫託故避去。而肆卒仍歸某焉。

錫名樹。由貢生納資爲郎中。授陸軍部郎中。擢右參議。裁缺後。以遺員記名簡放。未幾。授浙江杭嘉湖道。爲人慈祥。舊出資十數萬。補助戚友。庚子兵亂。朝官處多被毀。獨其居得免。論者謂天之報施。壽人固自不爽。

費鑑清。負米走江淮間。以信確見器於同業。所得滋豐。然見利弗擅。歲歉則廉其值而出之。不居平糶之名。里有石橋將圯。費謀諸其翁。條築法甚具。集資修之時。方熯暑。父子行于烈日中。指揮督察。數月橋成。堅利逾舊。父老咸曰。是費氏父子者。世濟其美者也。

費名敬。豐江蘇南通人。

楊杏城。久歷臚任。俸給外。不苟取毫髮。董招商局前後幾十年。例得勞金十餘

萬。楊謝不受。而獨之公家。或問曰。是奚爲不受。楊曰。取之固足富。舍之不患貧。有用之金錢。宜作有益之事業。

楊名士琦。安徽泗縣人。壬午舉人。先後入李勳勇李勳恪幕。累保至道員。充津榆鐵路總辦。袁世凱督北洋。任爲幕僚之長。擢四品京堂。旋補授商部右參議。充辦辦電政大臣。遷左丞。轉會辦電政大臣。督辦輪船招商大臣。兼南洋公學監督。調充議改官制提調。擢農工商部右侍郎。特授撫慰南洋華僑大臣。庚戌兩江總督。奏設南洋勸業會於江寧。朝命派充審查總長。辛亥遷朝。未幾。晉部傳部大臣。入民國爲政事堂左丞。

宋鈍初。少孤。長避地東瀛。歷十餘年。未嘗一歸省。其母年七旬。思子情切。每手示促歸。謂其知有國。而不知有家。知有親愛同胞。而不知有生身之母。宋捧書涕泣。長夜不寐。

宋名敦仁。湖南桃源人。幼喪父。家貧。刻苦好學。長游日本。與孫黃等組織同盟會。主張革命。民國成立。爲農林總長。二年春。奉袁總統電召。自上海起行。被刺於滬寧車站。不治而死。識者莫不悼惜。譯著經濟學等書。

袁容菴。放歸彰德。親故無敢送者。獨嚴範孫楊哲子。便衣送至車驛。袁曰。二君

厚愛我。良感。願流言方興。或且被禍。盡去休。嚴曰。寒久別遠。豈忍無言。楊曰。別當有說。禍不足懼。

袁見前。

嚴名修。直隸天津人。癸未翰林。授貴州學政。任滿還鄉。倡辦直隸學務。以勞績授四品卿。擢學部右侍郎。轉左侍郎。晉度支部大臣。人民國政府任爲教育總長。未之官。授參政院參政。

楊名度。湖南湘潭人。舉人。留學日本。習法政。歸國後。遷吏交章薦其才。得旨以四品京堂候補。充憲政編查館參議。旋授內閣統計局局長。入民國。任參政院參政。有著述。

章枚叔。流居海外。教授諸留學者。以國學。睹國事敗壞。大憤。思適印度爲浮屠。資斧困絕。不能行。虜虜至數日。不舉火。日以百錢市麥餅。以自度。衣被三年不浣。困阨如此。而德操彌厲。

章名炳麟。浙江餘杭人。淹博羣籍。以能文著名於世。嘗爲蘇報主筆。著論主張革命。深切峻厲。以是繫獄三年。出獄後。東渡日本。任民報主撰。爲文盡革命之言。卒爲日政府所封禁。窮困至無以爲生。民國成立。創設統一黨。組織大共和日報。自爲總主筆。爲文多匡時之論。議者趨之。政府藉功。特授以勳二位。任爲籌邊使。往來南北。醜詆國事。項城忌之。軟禁于京師龍泉寺。黃陂爲總統。乃釋之。著有章氏叢書。

徐菊人言貌溫和。素重風義。尤喜獎掖後進。門生屬吏。鄙親族。有求。恒應。無語不盡。士翕然歸之。最寵信者。嘉善錢幹臣。天門周少樸。紫江朱桂莘。固始吳士湘。閩縣張貞午。

徐見前。

錢名能。調浙江嘉善人。由編修遷御史。外任廣西學政。旋授奉天右參贊。裁缺後。授順

天府府丞。陟陝西布政使。議巡撫。民國爲內務次長。擢政事堂右丞。未幾。任平政院院長。乞休去。起爲內務總長。晉國務總理。

周名樹。棧湖北天門人。已丑進士。授編修。遷御史。外任江蘇提學使。旋授奉天右參贊。調權黑龍江巡撫。未幾。真除。民國爲平政院院長。

朱名啓。貴州紫江人。由佐貳積資爲道員。晉四品京堂。授京師內城巡警總廳廳丞。徐世昌督東三省。調爲蒙務局督辦。旋充津浦鐵路北段總辦。民國任交通總長。內務總長。

吳名箕。孫河南固始人。由舉人納粟爲員外郎。補民政部員外郎。民國爲政事堂司務所所長。調印鑄局局長。徐世昌就大總統職。任爲公府秘書長。張名元。奇福建閩縣人。由翰林擢御史。外任湖南岳州府知府。調奉天錦州府知府。超擢奉天

民政使。民國歷任內務次長。福建民政長。政事堂銓叙局局長。奉天巡按使。都肅政史。著攝齋詩集。編濟外史。

楊味春。爲浙江巡警道。有警察學生某詣謁。楊熟視半晌。曰。似曾相識者。某對曰。曩日家君犯罪。應杖不肖。願以身代。公憐而宥之。殊恩未報。報顏于求。負疚

益深矣。公太息曰：君純孝人也。久置閑散，予咎胡辭。授筆委爲警官。

楊見前。

某未詳。

余壽屏，性純孝。撫湘時，遇辛亥之變，僑裝懷印，挈僕潛遁出城，乘僕他顧，縱身入河中。僕覺，援之起，曰：主人若死，於是誠清朝之忠臣，寧不念耄耋之封翁耶？與其爲清室忠臣，毋寧作余氏孝子。余大痛，如濕見翁，叩首嗚咽，暗不成聲。翁喟曰：吾兒殉國忠也，念父孝也。吾誤吾兒，不得謚文節矣。

余名誠格，安徽望江人。由翰林官御史，外簡廣西思恩府知府。未之任，調陝西漢中府知府，擢廣西左江道，再擢按察使。三擢布政使，而以親老辭歸。復起爲陝西布政使，移湖北市政使，晉湖南巡撫。

張紹軒，未遇時，受其鄉許文敏之惠，及貴顯，凡許氏子弟無少長賢愚投之者，一一爲置頓。紹軒嘗對人曰：微文敏，吾安有今日之尊榮安樂。

張名勳，江西奉新人，出身隸卒，仕清歷官至甘肅提督，移江南提督，入民國授陸軍上將，任江蘇督軍。旋授定武上將軍，長江巡閱使，兼安徽督軍。乙卯以主謀復辟褫職。

楊杏城，好獎人才，爲農工商部侍郎時，屬官中東海沈雨人、湘潭袁伯夔、南豐

趙仲宣如皋冒鶴亭。常熟邵厚甫。不惜齒牙爲掄揚。戊午九月。楊卒於滬邸。伯夔親視含殮。感恩知己。潸然涕下。

楊見前。

沈名雲。沛江蘇東海人。甲午進士。入翰林。超擢農工商部右丞。旋署郵傳部右侍郎。兼署尙書遷吏部右侍郎。民國爲參政院參政。兼浦信鐵路督辦。

袁名思亮。湖南湘潭人。舉人。農

工商部郎中。民國爲工商部秘書。旋授政事堂印鑄局長。工詩文詞。趙名從善。江西南豐人。甲午進士。授工部主事。陟員外郎。改農工商部。遷郎中。授廣西勸業道。未之官。擢四品卿銜。充安徽清理財政正管理官。民國爲財政部秘書。外任津海關監督。移兩浙鹽運使。冒名廣生。江蘇如皋人。癸卯進士。補農工商部主事。歷階至郎中。民國爲隄海關監督。調鎮江關監督。工詩。有著述。祁名福。瀛江蘇常熟人。舉人。補農工商部郎中。擢右參議。民國歷濱江關監督。九江關監督。潮海關監督。

陶煥卿。以事爲仇家所陷。追捕正急。而囊中不名一錢。乃求貸於友。友亦寒士。無法應其急需。其夫人在內室聞之。亟趨出。慨然卸臂間金釧贈之。於是方能就道。得免於難。陶每對人必談及茲事。臨死猶念不絕口。

陶名成章。浙江紹興人。爲革命巨子。民國元年。浙人擬舉君繼鴻壽潛爲都督。忽被人刺死於上海醫院。

陳二安。性慷慨。久官鎮將。盡傾俸入以恤故人屬吏。其貧如故。人多笑之。不以介意。

陳名宦。湖北安陸人。丁酉拔貢。納粟爲中書。擢授陸軍部員外郎。出任四川常備軍統領。轉任雲南新軍協統。擢陸軍第二十鎮統制官。以四品京堂候補入民國。爲參謀次長。擢成武將軍。兼四川巡按使。調湖南督軍。兼省長。未之任。內用將軍。

楊蔚霞。淡泊寧靜。不事交遊。徵逐經其戶者。有寂若無人之歎。揭幕視之。則見其端坐看書。或伏案繪事。

楊名士。安徽泗縣人。壬辰進士。以知縣即用。授江蘇無錫縣知縣。並任崇明縣知縣。累任至道員。充蕪湖米厘總辦。入民國。授蕪湖關監督。移蘇州關監督。兼交涉員。

梁仲毅與朱芷青交彌篤。朱故貧。梁曰。吾當爲子營一官。俾資事蓄。已而果踐約。朱卒。梁哭曰。芷青死。其家將無以生活矣。亟爲乃父圖一事。並贖千金。遺其妻女。可云不忘死友。

梁名鴻志。福建閩縣人。北京大學卒業生。官法制局參事。
朱名聯沅。浙江人。教育部主事。委性純粹。喜讀書。有錢則日游海王村書肆。其師陳石遺。嘗標舉其鄉先生籀石齋悅親樓之集。及黔中鄭

莫二集。肆不易得。朱必求而得之。

蔣百里爲軍官學校校長。凡所規畫。輒爲部司所掣肘。而素頗與諸生契洽。留固不可去。又不能一日。突以手鎗自擊中胸。血流滿衣。衆驚駭大痛。百里以爲必死。託知交料理後事。然傷非要害。醫治而愈焉。一時海內誦其風烈。

蔣名方震。浙江海寧人。初畢業日本士官學校。復卒業德意志陸軍大學。趙爾巽總督東三省時。重其才。專疏薦爲奉天督練處總參議官。人民國授陸軍中將。充陸海軍大元帥統率辦事處軍事參議官。著有職分論等書行世。

楊杏城之母陳太夫人病篤。杏城朝夕侍湯藥。目罕交睫。衣不解帶。以刃割股肉和藥煎湯。進一服而瘳。杏城喜曰。吾母病起。而吾微傷。人子之事親。固應如是也。

楊見前。

袁項城徵沈子惇任司法部長。沈婉辭。袁曰。此係衆意。倘不列君名於國務員單內。恐失人望。沈曰。是無不可。但必註明以病堅辭。未逾歲。袁使長子克定敦勸其出山。沈正色曰。寧死不做官。

沈名家本。浙江興人。癸未進士。授刑部郎中。出守天津保定。擢大理院少卿。晉正卿。移法部右侍郎。充修訂法律大臣。擢法部大臣。鼎革後。杜門謝客。一意著書。歿年七十四歲。臨歿前四日。尚伏案著書。好學不倦。如此。著有枕碧樓詩稿六卷。枕碧樓偶存稿八卷。日南隨筆八卷。日南讀書記十八卷。說文引經異同考八卷。文選註引書目若干卷。三國志瑣言四卷。三國志校勘記八卷。古書目三卷。枕碧樓叢書十二種。輯有讀律校勘記五卷。秋肅須知十卷。刑案匯覽一百卷。刺字集二卷。歷代刑法考若干卷。歷代刑官考二卷。奇籙文存四卷。

湯轅仙。束身廉介。以全力構成滬杭甬鐵路。爲工暫而成功速。例應得勞績金三十萬。交通部如數與之。湯歎曰。余生平不貪財。阿堵物足貽子孫害。當盡作教育經費。備學者不時之需。及卒。其子遵遺命捐輸教育會。時論多之。

湯見前。

黎宋卿。雅度雍容。道德純厚。項城稱帝。封爲武義親王。鑄斗大之黃金印。遣使賚送於其宅。黎嚴拒不受。

黎名元洪。湖北黃陂人。畢業天津水師學校。旋留學英國。歸任某艦長。甲午之戰。投海以殉。遇救得生。張之洞督鄂。器其才。疊昇以重任。累擢至陸軍第二十一混成協統領官。辛亥之役。鄂軍首義於武昌。

衆舉爲湖北都督。民國成立。國會選舉爲副總統。授大勳位。四年五月大總統袁世凱病故。依法繼任爲大總統。

蔡松坡爲雲南都督。治軍嚴肅。民懷其德。釀資建生祠。鑄銅像。蔡計取其金。徧遺飢民。婉謝曰。諸君建祠鑄像。尙在百千年後。哀鴻嗷嗷。食此涓滴之賜。當可活命無算。彰人之功。不若拯人之命。滇人賢之。

蔡名鏐。湖南寶慶人。畢業日本士官學校。歷任廣西雲南軍官。櫻協統。辛亥以起義功。特舉爲雲南都督。旋開缺。留京授昭威將軍。兼經界局督辦。參政院參政。未幾任四川督軍。以病去。卒於日本某醫院。鏐文武兼備。輯有曾胡治兵語錄。

張季直嘗鸞字。盡傾所入資辦地方善舉。或問曰。公何處不可羅集。而必賴腕力以成事。何也。張曰。吾豈不望人之助。然必吾力竭而後呼。將伯心庶安也。聞者稱其賢德。

張名賽。江蘇南通人。甲午進士。以殿試一甲第一授修撰。嘗入吳壯武幕。中日戰爭。主戰最力。及敗。乞病歸。集巨資創辦實業。如紗廠。曠墾畜牧輪船諸公司。一時並舉。成效冠大江南。北。更出資興辦學校。設醫院。關公園。築橋梁。修道路。世之稱自治者。無不曰南通。清末授農工商部大臣。未之官。民國二年。

出爲農商總長。繼兼水利局總裁。袁世凱僭位。兩職並辭去。七年授導淮水利籌辦。工書詩文均贍雅。散見于書報者不下千百篇也。

許久香之父。以剛直犯吏忌。非罪陷獄。時久香年方少。奔走呼號於寧蘇及京師。不得直。久訟家破。母憂悲臥病。諸弟妹咸小弱。久香出營救。父歸省病。母撫衆稚。極生人之艱困。踣道路者數。旋獄解。久香流涕嗚咽跪迎父。四方莫不嗟異其孝行。

許名鼎。蘇轅榆人。壬午舉人。納資爲內閣中書。尋從美日秘公使留海外。充秘書領事。筱勞保知府。指分安徽一省大通稅務。兩守鳳陽廬州。以捐員擢奉天交涉使。宣統末。彼舉爲資政院議長。不就。入民國。被舉爲江蘇省議會議長。乙卯卒於滬醫院。

汪精衛。吳稚暉。李石曾。組織進德會。有八不之規約。曰不吃烟。不飲酒。不食肉。不狹邪。不賭博。不置妾。不作官吏。不爲議員。一時社會頗有風從而靡之勢。雖逐漸冷靜。而汪吳李三人。堅守弗渝。

汪名兆銘。廣東南海人。自幼能文章。既習法政於日本。復徧遊歐美。聲譽益隆。素主排滿。宣統間入京師。以地雷謀炸攝政王載灃。事敗。賴肅親王善耆救得免於死。繫獄二年。辛亥革命事起。乃出說袁項。

城。倒清室。建民國。項城。建之。迨共和成立。民黨推項城爲臨時大總統。兆銘揄揚之力爲多。粵人聞其賢。舉爲廣東都督。力辭不就。項城。餌以官。尤力辭。世以是稱之。吳名敬恒。江蘇無錫人。勤儉博雅。爲世所稱。嘗留學法政於日本。足跡徧歐美。讀書著述。外不聞世事。真君子人也。李名煜。灑直。隸高陽人。蔭生。度支部郎中。嘗遊東西洋。旅法日尤多。設豆腐公司於巴黎。又組織留法儉學會。學者樂歸之。

宋漁父。長農林部。詣謁袁總統。袁睹其西服敝垢。因問曰。君着此服已幾年。漁父曰。留學日本時所購。穿已十載矣。袁嗟慨久之。贈以銀摺一扣。曰。爲數無多。可置新衣。漁父婉辭不受。袁曰。何故。對曰。貧者。士之常。今驟貴。烏能忘其本衣。雖襤褸。體尙可蔽。奚必尙華麗。袁歎曰。余生平閱人多。如君志節。亦僅見也。

宋見前。

陳瀾生。遭禁錮。王亮疇。盡力營救之。不得出。日入獄探視。情詞周摯。瀾生感歎曰。有友如君。余復何憂。

陳名錦。廣東南海人。畢業美國某大學。歸國。應任試。列最優等。授進士。補度支部郎中。擢右參議。入民國。充駐歐財政委員。旋任財政總長。以賄案牽連入獄。

王名耀。惠。廣東東莞人。留美國法學博士。爲民國第一次內閣司法總長。未幾辭去。爲中華書局編譯中西書籍八年。政府設修訂法律館。被命爲總裁。移大理院院長。

陸孟甫。事母極盡孝道。母年踰八十。起臥必親視。飲饌必擇至精者。嘗曰。人冀子孫賢。爲子者。若不孝敬其父母。猶欲蔽風雨。而反損其大廈之棟樑。

陸名長。佑。江蘇太倉人。由諸生考取。臚錄。納粟爲知府。指分江西。久居撫幕。積勞保道員。授江西瑞安府知府。擢南瑞。袁。臨。道。移。權。巡。警。道。人民國。爲江西國稅廳籌備處處長。旋授直隸政務廳廳長。

新語林卷二

言語

周玉山曰。費用不節。終必受困。臨事惜財。亦能誤事。其子學熙營書諸座右。肅然曰。此阿父名言也。

周名夔。安徽秋浦人。由牧令歷階。至津海關道。擢直隸按察使。晉四川布政使。移直隸。陞授山東巡撫。署兩江總督。調補兩廣。入民國。袁項城遣使強之出仕。夔笑對使者曰。余年已暮。不解共和政治。何能作官。卒不出。
學熙字緝之。初爲浙江候補知府。繼以道員指省直隸。歷充要差。以勞績保授四品京堂。授長蘆鹽運使。擢直隸按察使。入民國。兩度爲財政總長。

范成齋授平谷令。平谷地瘠民貧。咸視爲畏途。同人爲之憂。成齋笑曰。平谷居盤山之麓。饒山水之勝。昔陳六舟願以京兆尹易平谷令。余何人敢薄而不爲哉。

范名中倍。山西祁縣人。癸巳舉人。歷官京兆。香河。武清。三河。平谷縣知縣。國變後。從事教育。積勞而卒。
徐班侯爲御史。嚴劾慶親王奕劻。疏中警語云。金店辦捐。而商賈售眞名器。異

端言事而菴觀作小朝廷。孩童乳臭。攘部首之尊。兒女姻親。踞藩雄之任。江杏邨讀疏歎曰。是方不愧諫官。

徐名定超。浙江永嘉人。癸未翰林。授編修。擢京畿道監察御史。鼎革後未仕。就聘浙江通志局提調。丁巳春。聖眷乘普濟輪船返溫州原籍。船沉。徐與夫人均遇難。江見前。

李梅菴。僑居歇浦。鬻書自活。江蘇都督程壽樓禮聘爲顧問。李辭曰。某學識虛淺。不諳職政。贊揚盛化。宣布和風。非某才力所能及。

李見前。程名德。全四川榮陽人。以縣丞指分安徽。旋投奉天某副都統。充幕客。累保至直隸州知州。某將軍疏薦其才堪大用。入都召見。得旨以道員交軍機處存記。授齊齊哈爾副都統。擢將軍。未幾授黑龍江巡撫。乞病歸。起爲奉天巡撫。裁缺後。授江蘇巡撫。辛亥宣布獨立。自稱都督。旋政府正式任命之。以足疾辭。再起任舊職。二次革命。棄官逃滬。宣言不問政事。

劉申叔。隨端方入蜀。端遇害。劉聞風逃滬。仇黨欲殺之。章太炎爲之鳴冤。曰。今者文化陵遲。宿學凋喪。一二通博之才。如劉師培輩。雖負小疵。不應深論。殺一人無益於中國。而文學自此掃地。使禹域淪爲夷裔者。誰之責耶。劉因得免。劉名師培。江蘇儀徵人。舉人。揀選知縣。保府知府。充學部諮議官。粵漢川鐵路顧問官。嘗痛國學淪亡。

與鄧實黃節諸人創國學保存會於海上。刊售國粹學報。著有讀左別記。

袁容菴。馭軍嚴明。嘗誡兵士曰。用命者乃手足。違令者即寇仇。羣卒聞之。悚然。

袁見前。

孫慕韓。性謙樸。遇人恂恂有禮。客問之曰。公今顯貴。竟能不驕。孫曰。能詔人者能驕人。吾不能詔。又何能驕人之詔。且驕者深惡而痛絕之也。

孫名寶琦。浙江杭縣人。以蔭生官部郎。歷階四品京堂。充出使德國大臣。任滿還朝。簡署山東巡撫。旋真除入民國。爲熊內閣外交總長。熊去位。代之爲國務總理。仍兼外長。未幾並辭。任審計院長。移任財政總長。再移稅務處督辦。皆被推爲招商局漢冶萍公司董事。暨宣懷楊士琦先後卒。繼楊爲招商局總董。繼盛爲漢冶萍公司總董。

楊味春有男子八人。嘗誡之曰。唯德爲能悠久。一切智慧魄力。不足恃也。衆唯唯。

楊見前。長子名毓璋。次名毓斌。毓珂。毓璠。毓琇。毓瑩。毓瓊。毓璪。諸人事略另詳。

趙智菴。嘗誤呼陳宦爲宦。聞者皆匿笑。俄頃悟曰。二安口拙。是一缺點。

趙名秉鈞。河南汝縣人。由縣尉歷保至道員。指分直隸。充淮軍營務處統領。天津保定巡警總辦。從容。

學畫規模井然。成績巋冠全國。巡警部創立。以項城之薦。得爲右侍郎。易民政部。仍舊職。戊申。項城開缺。回籍。乘鈞亦以原品休致。養晦津沽。以書畫自娛。辛亥。項城組織內閣。首薦爲民政大臣。入民國。歷任內務總長。國務總理。直隸都督。

張小帆曰。用人之道無他。信賞必罰而已。有功不賞。則解體。有罪不懲。則益肆。張名曾。歐直隸南皮人。甲戌進士。由翰林外任山西屬平道。擢福建按察使。晉布政使。移四川。授山西巡撫。調浙江巡撫。再調江蘇巡撫。未之任。乞病歸。民國政府屢徵不起。

王石琴嘗語諸子曰。吾之不偶於時。性爲之。亦命爲之。但內省非吾疚者。亦何恨。

王名煜。福建閩縣人。舉人。官知縣。

熊健菴對鄧子通曰。觀人極難。不可輕加毀譽。一席之議論。或有可取。善其人一時之言。則可以此概其人之生平。則不可。

熊名升恒。鄧名通。均湖北黃岡人。

徐佛蘇嘗曰。中國勢不能不革命。革命勢不能不共和。共和勢不能不亡國。雖一時憤激之言。而愛國熱忱。溢於言表。

徐名佛。蘇湖南長沙人。留學日本。卒業師範學校。嘗爲新民叢報編輯。民國以來。爲國民公報主筆。其師梁啓超薦於政府。被任爲政事堂參議。

伍秩庸對狄楚青曰。近日心中悟得一妙理。凡人之害我者。決不可存報復之心。此心一發。必有所着。環空一週。此毒仍射於吾身。無異自殺。狄曰。此義微妙。非公不能道。

伍名廷。芳廣東南海人。留學美國。得法學博士。仕清。歷官至外務部右侍郎。出任美國欽使。民國肇建。以功授勳一位。六年任外交總長。兼代國務總理。著有民權圖治芻議。狄名葆賢。江蘇溧陽人。少承家學。工書善畫。以創設時報館。有正書局。有聲於社會。著有平等閣筆記。平等閣詩話。

政府稽勳。凡有功共和者。量功之巨細。分賞之等差。授張齋菴以勳二位。張聞報辭曰。未知所以爲民也。而忽有位。未知何以慰民也。而忽有勳。

張見前。

政府授黃陂等三十人嘉禾章。或文虎章。獨湯贄仙辭不受。或曰。公得毋沽名釣譽耶。湯曰。與使君子窺其罔恥。甘令小人笑其沽名。

湯見前。

建都議起南北殊言。章太炎有五害之書致參議院。反復辯論利害昭然。

章見前。其書略言。頗聞堅守金陵者。謂燕京有使館礮台之險。亡清汙俗之餘。徙處南方。非獨避危就安。亦以滌瑕蕩垢。不悟政紀修明。則舊汙自化。豈非自取。則攻具無施。此二者不足以成邊郡之說。今復舉利害較之。中國幅員既廣。以本部計。燕京雖偏在北方。以全邦計。燕京則適居中點。東控遼瀋。北制蒙回。其力足以相及。若徙處金陵。威力必不能及長城以外。其害一也。北方文化已衰。幸有首都爲衣冠所輻輳。足令蒸蒸日上。若徙處金陵。安於燠地。苦寒之域。必無南土足音。將北民化爲蒙古。其害二也。遷位以後。組織新政府者。當爲袁氏。若迫令南來。則北方失所觀望。日蹙已侵。及東三省而中原又失重鎮。必有土崩瓦解之憂。其害三也。清帝尙處頤和園。不逞之徒尙思擁衛君以倡亂者。非止一宗社黨也。政府在彼。則威靈不遠。足以鎮制。若徙處南方。蹙纒虎兇於無人之地。豈獨亂人利用其名。蒙古諸王亦或陰相擁戴。是使南北分離。神州幅裂。其害四也。交民巷諸使館。物力精研。所費鉅萬。若迫令遷徙。必以重資備償。民窮財盡之時。而復糜此鉅帑。其害五也。今北方諸議者。或思改宅天津。其實猶不如仍舊。而況金陵南服。偏倚之區。備有五害。其可以爲首善之居哉。謀國是者。當規度利病。顧瞻全勢。慎以言之。而不可以意氣爭也。若曰南土爲倡義根本。必不屈就北方。是乃鄙夫倔強之談。豈足數於大君子之前乎。縱依是說。則倡義之始。實在武昌。又不應以金陵爲宅矣。或言南中少吏。自愧輕材。以爲建宅北方。必被淘汰。由保國祿位之心。騰其鼓簧。以機大計。明知大勢不可更改也。強與支柱。以延雙方調洽之期。一日服官。則一日沾沾自喜。初不慮民生之日瘁。外患之相乘也。竊以號稱志

士熱中患失。亦何至是。然以今日仕途混雜。不能無浮競之徒。私相煽惑。諸君子職在建言。舒謀定命。豈忘國家久安之計。而徇朋友利祿之情。吾以爲必不然矣。

湯贛仙既辭浙江都督。袁總統器其才。聘爲公府顧問。湯辭曰。競利固屬小人。貪名亦非佳士。若誤噉殷浩之虛名。轉致樊英之失據。澆競將沿成風氣。穢濁更不減勝朝。輿論向背。乃屬耳目。甚不願共和前途。或自某敗壞。其迹似亢其誠可憫。

湯見前。

民國成立。百度維新。于晦若儼一聯。懸於戶曰。男女平權。公說公有理。婆說婆有理。陰陽合歷。你過你的年。我過我的年。見者以爲雋語。

于名式。校廣西賀縣人。庚辰翰林。入李合肥幕。箋奏多出其手。由四品京堂授廣東學政。充出使歐美考察政治大臣。歸授吏部右侍郎。入民國政府。授爲參政。辭不受任。旋卒。

黎黃陂促樊雲門赴鄂省長任。樊請寬限三月。黎再催曰。微論九十春光。視蔭不及。即此一日三秋。已不勝東山蒼生之慕。

黎見前。

樊名增祥。湖北恩施人。丁丑進士。授廬吉士。散館後。選授陝西渭南縣知縣。鹿傳霖撫

陝榮祿將軍西安均器之疏薦其賢。以卓異召對稱旨。肥名以道府用。授安賢鳳嶺道。擢陝西按察使。晉布政使。因案褫職。再起爲江寧布政使。一度護理兩江總督。民國元年授湖北內務司長。未之任。晉民政長。亦辭不之官。四年入京。就參政院參政。著有樊山全集。

徐班侯官戶部。聯軍之亂。有譯者。導德兵入宅。曰：你南方人。有無金子。徐以指畫棹曰：京字是一點一橫。一張大口。一個小人的小字。譯者大笑。導德兵退去。
徐見前。

金病鶴中年多病。其前室周氏謂曰：病鶴之病字。上去一點。則無一點病矣。金喜其語。雋周歿。自署曰：病鶴。

金名鶴。翔江蘇常熟人。

楊渭叟曰：讀書達理。方知慚愧。讀書多。方多知慚愧。鮮讀書。未必知慚愧。不讀書。斷不知慚愧。

楊見前。

章太炎致書袁總統。論治術云：以光武遇赤眉之術。解散狂狡。以漢高封雍齒之術。起用宿將。以宋祖待藩鎮之術。安慰荆吳。大端既定。然後政治可施。當法

紀之未成。惟人才爲亟務。徇故吏。則不才者任事。安反側。則無賴者入官。殊途同歸。皆以素政。夫變革之世。貴斷弛才。興作之時。尚精白士。袁奮曰。至理名言。親切有味。

章見前。

袁項城創設參政院。羅致遺老爲參政。有士面詰之。袁曰。漢之良相。卽亡秦之退官。唐之名臣。卽敗隋之故吏。政治不能憑虛而造。參政責任綦重。非富有經驗者不理。士無以難之。

袁見前。

楊虎公等創立籌安會。主張君主立憲。汪荃臺致書反對。有七不可之說。愷切詳明。闡發盡致。或曰。是其子榮寶之手筆。

楊見前。

汪名鳳瀛。江蘇吳縣人。拔貢。由部曹外簡湖南常德府知府。移長沙府知府。民國爲

參政院參政。

榮寶字寔甫。拔貢生。留學日本。習法政。卒業後。以七品小京官簽分民政部。歷官

至右丞。入民國。被選爲衆議院議員。旋被命爲比利時公使。調瑞士公使。著有清史講義。其反對君憲書略云。不佞自辛亥以來。每與知交竊議以爲治今日之中國。非開明專制不可。共和政體。斷非所宜。

及見元二年各省大吏之騷擾。國會議員之紛更。益覺前言之不謬。然就目前時勢論之。斷不可於國體再議更張。以動搖國脈。其理至顯。敢爲執事縷晰陳之。自上年議訂新約法。採用總統制。已將無限主權。盡奉諸大總統。凡舊約法足以掣大總統之肘。使行政不能敏活之條款。悉數剷除。不復稍留抵觸之餘地。是中國今日共和二字。僅存國體之虛名。實際固已極端用開明專制之例矣。夫謂共和之不宜於中國者。以政體言也。今之新約法。總統有廣漠無限之統治權。雖世界各君主立憲國之政體。罕與倫比。談厥化者。豈無矯枉過正之嫌。願自此制實行後。中央之威信日彰。政治之進行較利。行政漸歸統一。各省皆極其服從。循而行之。苟無特別外患。中國猶可維持於不敝。茲貴會討論之結果。將仍採用新約法之開明專制乎。則今大總統已厲行之天下。並無非難。何必君主。如慮總統之權過重。欲更設內閣以對國會。使元首不負責任乎。則有法國之先例在。亦何必君主。然則今之汲汲然主張君主主憲。而以其和爲危險者。特一繼承問題而已。顧新約法已定。總統任期十年。且得連任。今大總統得爲終身總統。已無疑義。而繼任之總統。可用誇薦。舜薦禹之成例。由今大總統薦賢自代。自必妙選人才。久符物望。藏名石室。則傾軋無所施。發表臨時則運動所不及。國會選舉。祇限此三人。則局外之希冀非望者。自絕。法良意美。舉凡共和國元首。更迭頻繁。選舉紛擾之弊。已一掃而空。尙何危險之足云。若猶慮此三數人之易啓競爭。不知世之名分有定。抑知競爭與否。乃道德之關係。非法制之關係。苟無道德。法制何足以閑之。竊恐家族之競爭。爲禍尤甚於選舉。不觀明太祖非採用立長制者乎。太子孫立。皇太孫。固確守立長制也。而卒構靖難之變。當日與太祖同時並起之烏雄桀黠。已交薶。

無餘。與太祖共定大業之宿將元勳。亦消滅殆盡。又無敵國外患。出而橫加干涉。故幸免於亡耳。今則過罪其比矣。而公等必主張君主立憲。何所取義乎。公等既主張斯制。自必期其說之成立。其事之實行。明矣。然而公等皆甚愛於今大總統者也。君子愛人以德。不聞以姑息。今大總統於受任之初。即已遵約宣誓。且屢次宣言。決不使帝制復活。其言至誠。切亦經播諸文告。傳諸報章。爲天下所共見。其開矣。往者勞乃宣。盛唱復辟之說。天下譁然。羣起而關之。是爲謀叛民國之大罪也。今大總統復歸申禁。令後再有議及帝制者。罪無赦。誠以今大總統爲民國元首。受人民委託。信誓旦旦。爲民國永遠保存。此國體禮也。義也。孔子曰。自古皆有死。民無信不立。果使於今大總統任期以內。而竟容君主政體之發見。致失大信於天下。停禮傷義。動搖國本。一不可也。民國元二年。孫文黃興帶之謀。即藉口於今大總統有回復帝制之陰謀。全國人民確信。今大總統之誓言。並無此意。故羣曰。孫黃爲亂賊。今忽於大總統任期內。而見大總統親信之人。有君主政體之討論。是爲孫黃覆實其誣言。天下皆將服孫黃。蓋有先見之明。頗長其聲價。增其信用。是不啻代孫黃洗其謀亂之罪。俾死灰得以復燃。二不可也。吾國旅居各國之僑民。不下數千萬。莫不醉心歐化。以獨裁帝政爲不然。故前清末造。孫黃輩倡言革命。華僑傾資相助。冀其有成。迨民國成立。咸欣欣然有喜色。相率回心內向。一旦見祖國復興帝制。是大失數千萬華僑之心理。不啻推而出之。使爲孫黃之外府。毆助以無限之資財。三不可也。優待條件。許清室保存帝號。正以民國國體已更。無復嫌疑之可慮。故聽其裝用尊稱耳。假使民國復行帝制。則城中斷不容有二帝。勢必削清帝之尊號。塞滿族之人心。且清皇室近居宮禁。即不免信慮之大。嫌逸。

出範圍。慮或爲奸人所利用。設有僉壬從而間之。爲德不卒。勢非獲已。而予人口實。恐天下從此多事矣。四不可也。近來各省水旱偏災。區域至廣。京鴻遍野。安集無資。而公家以財政奇艱。不得不厚增賦稅。繁征苛斂。視清末有加。咨怨之聲。已所難免。然每征一稅。設一捐。地方官恒召士紳商會。告以今爲民國。國有所事。責皆在民。擔負雖增。譬如自出己財。以辦家事。彼紳商心雖不願。而無說以爲抵拒之資。不得不俯首以從。今若回復帝政。彼習聞帝制者。私國爲一家之產。則觀念頓易。此後再欲增重人民負擔。私怨有歸矣。怨憤不平之氣。鬱結於中。如積薪之繖火。遇有發槩鼓而煽之。則一發不可復遏。藉療厚之勢。揚伐叛之名。荼毒生靈。靡知所屆。明季饑民。迫爲流寇。卒亡其國。可爲殷鑒。即使重煩兵力。幸而得平。而以私天下之故。殘殺同胞。至無算數。天道好生。必有尸其咎者矣。五不可也。今日在朝諸彥。罔非清室遺臣。正以國爲民國。出而爲國服務。初無更事二姓之嫌。屈節稱臣之病。故一經勸駕。相率來歸耳。設改爲君主政體。稍知自愛者。名節所關。天良難昧。勢必潔身引退。相與遜荒。其留而不去者。貪榮嗜利。劣庸解恥之徒。必居多數。此曹心理。視仕宦爲投機事業。勢盛則爭先推戴。勢衰則出力排擠。彼且不愛其身。尙何愛於國。更何愛於君。使當國者。但與此輩爲緣。共圖治理。不獨又安無以抑且危險。實多六不可也。中國積弱。對外無絲毫能力。入民國後。軍隊增多於前。而上次日本對我破壞中立。橫肆要求。我惟屏息吞聲。不敢稍與抵抗。情見勢絀。無可諱言。今我忽無事自擾。謀更國體。際此歐戰相持。愛我者或不遑東顧。而忌我者。則虎視眈眈。惟恐我國之晏安無事。不先與謀。事必無幸。苟欲求其同意。非以重大權利相酬。足壓彼慾。殆不可得。無端大損中國。而厚利外人。而謂中國人民

對於此等行爲。果皆翁然意滿乎。即不出此。彼或以國體相同之故。伴與贊成。觀望而動。但使我於國體變更之際。地方稍有不靖。彼乃藉詞干涉。別有所挾。以兵力臨我。人心向背。正未可知。公等當此。將何以爲計乎。七不可也。

嚴範孫被命爲教育總長。堅臥不起。政府叩以用人問題。嚴對曰。任官惟賢。當求與時勢適宜之人。與之圖治。

嚴見前。

楊泗州爲政事堂左丞時。或叩以用人問題。楊曰。余主張新舊人材兼收並容。蓋舊人所長。在有經驗。處事鎮靜。若能持大體。而遇事敢爲。負有朝氣。亦須讓新人材一步。但純用新人材。不免偏於急進。致紛更過度。不適國情。反之純用舊人材。亦必由停滯而人於腐敗。

楊見前。

袁總統屬意楊哲子爲教育總長。楊堅辭。袁曰。君薄部長不爲耶。楊對曰。教育閒曹。吾願幫忙。不幫閒。

袁楊見前。

易寶甫。開居日下。貧不能自存。其鄉人袁履菴與之善。問君能屈志小就否。易對曰。枯魚入水。豈遑擇流。窮鳥奔林。鳥暇問木。遂薦爲印鑄局參事。

易名順。湖南龍陽人。由進士官道員。歷任廣西太平恩順道。右江道。雲南臨安開廣道。廣東欽廉道。廣肇羅道。惠潮嘉道。自稱爲六道者是也。幼能詩文。有神童之目。著哭尸集。有四魂七生之說。識者笑之。入民國爲印鑄局參事。兩權印鑄局局長。

楊星川。寡交游。客訝問之。楊曰。交不貴多。得一人可勝千百人。予生平知己。楊季子一人而已。

楊名毓璣。安徽泗縣人。畢業京師譯學館。欽獎舉人。以七品小京官指分外務部。充出使法國大臣隨員。民國歷任鐵路銀行要差。現任審計院核算官。楊名敬。湖南湘潭人。京師譯學館畢業。欽獎舉人。以道員分省補用。入民國充漢口商埠督辦公署委員。中日實業公司秘書。

伍博士與黎黃陂相見。黃陂問外交人才。伍以子朝樞對。黃陂微笑曰。君不及他人。而先舉令嗣。得毋有私乎。伍曰。昔者晉侯求賢。祁奚舉其子午。詎今人之不逮古人耶。黃陂頷首。

伍黎俱見前。

朝樞字樞雲。廣東南海人。留歐習法律。民國元年任湖北外交司長。旋辭職。被舉

爲衆議院議員。三年任政事堂參議。四年兼外交部參議。五年權外交次長。

尹太昭在宴會中對客自負曰。乃公誠東亞一怪傑也。胡文瀾在座。搖首朗言曰。見怪不怪。其怪自絕。一座哄然。

尹名昌。衡四川彭縣人。日本士官學校畢業生。歷充陸軍管帶。辛亥起兵。殺四川總督趙爾豐。自稱都督。未幾政府正式任命之。旋調任川邊經略使。以事爲人所劾。項城令入覲。既抵京。數案俱發。竟入囚。蜀京官有與莫逆者。力救之。得免於死。後移禁江寧。日伏案著書。成文數百篇。曰尹氏叢書。蘇卮李純頗善待之。以厚幣聘爲顧問。尹被酒大言曰。是淺淺者。不足當乃公一醉。李聞而哂之。知無異志。以其狀達政府。遂復自由矣。胡名景。伊四川巴縣人。畢業日本士官學校。歸爲成都武備學校教習。錫良督滇。其賢委充督練處參議。兼講武堂總辦。與藩司沈秉堃甚。及沈擢廣西巡撫。薦爲混成協統領官。辛亥棄職歸蜀。未幾代尹昌衡爲四川都督。內調將軍。

秦宥衡上書袁項城曰。可大在任賢。非修近。何以召遠。可久在同利。非節用。何以裕民。大治無刑。刑不用也。而不可以一日躋。大亂無教。教不行也。而不可以當年止。袁答曰。名言。讜論。敢不拜嘉。

秦名樹聲。河南固始人。丙戌進士。官工部主事。以御史記名。授雲南曲靖府知府。調雲南首府。擢蓮南道。晉按察使。調廣東提學使。入民國。就清史館之聘。爲纂修袁項城亦聘爲公府顧問。

蔡松坡有言。善用兵者。勝敗決於未戰之先。比及干戈相見。然後以爭勝負。亦已晚矣。或問何以決於未戰之先。蔡曰。民心之向背。地勢之得失。此勝敗之大原因。未戰之先。已可見及。若夫軍旅之多寡。器械之利鈍。何足道焉。

蔡見前。

柯鳳孫辭參政。人問之。柯曰。政出多門。何參之有。

柯名勛。恣山東人。翰林院編修。外任貴州提學使。民國三年。授參政院參政。

唐莫廣爲貴州都督。年方二十三。有客謂唐曰。君年逾冠。已膺疆寄。洵古今罕見。唐曰。甘羅爲秦上卿。年甫十二。余視之。有愧色矣。

唐名繼堯。雲南會澤人。留學日本士官學校。畢業歸。充陸軍管帶官。辛亥以平黔亂功。被任爲貴州都督。蔡鐸乞病。薦唐自代。移雲南都督。旋改任將軍。督理軍務。丙辰之役。衆推爲軍務院撫軍長。儼然西南首領也。

康心孚創雅言雜誌。針砭政治。旁及文學。有警語曰。民意者。民當自言。無待代言。吾所言者。即吾之言。初不必假民意以自重。

康名寶。忠陝西人。自幼能文章。長而肄業日本早稻田大學。卒業歸國。充上海民立報主筆。旋自創雅

言雜誌頗風行一時。蔡元培長京師大學。聘爲教授。遂入都。積勞而卒。

梁卓如辭幣制局總裁。有以不才之才爲無用之用語。袁總統笑曰。卓如非不才。總裁實無用。

梁名啓超。廣東新會人。舉人。康行爲弟子。戊戌變法。賞六品銜。充譯書局總辦。已而禍作。遁逃日本。組織保皇黨。設譯書社。譯東西書籍。先後發行清議報。新民叢報。國風報。辛亥歸國。袁世凱薦爲法部副大臣。不就。被舉爲進步黨理事。創庸言月刊。癸丑。熊希齡爲國務總理。推爲司法總長。熊去位。速帶下野。政府創幣制局。任爲總裁。以無所事事辭職。授參政院參政。項城稱帝。反對甚烈。潛入廣西。設陸榮廷舉兵反抗。佐岑西林治軍肇慶。任都參謀。丁巳。參贊段祺瑞平復時之亂。授財政總長。生平著述甚富。銷行最廣者曰飲冰室文集。

饒宓僧。筓湖北民政。尙得民心。以黃陂去志堅決。慮繼者或難共事。三呈辭職。不報。乃曰。子房之封大邑。旣非素心。買臣之守故鄉。尤多慚德。政府知其不可留准之。

饒名漢。詳湖北廣濟人。舉人。以鹽場大使分福建。充提學使署科員。入民國。任湖北都督署秘書。督秘書長。授內務司長。擢民政長。旋任參政院參政。黃陂正位。任爲公府副秘書長。

潘蘭史。况夔生。夜坐閒談。潘曰。吾粵之某某實人妖。况曰。非人中之妖。乃妖中之妖。潘曰。何謂。况曰。妖由人興。人能驅妖。妖必不敢露形。妖與妖競。人不懼妖。妖又何能作祟。

潘名飛聲。廣東南海人。舉人。曾任教授于德京柏林。所入甚豐。歸國後。僑寓海上。已而自築屋以居。曰剪淞閣。工詩。

况名周階。廣西臨桂人。舉人。內閣中書。嘗儲書上海商務印書館。著眉廬叢話。蕙風錄筆記等書。

黎黃陂以副總統兼領鄂督。疊辭乞退。其言曰。追隨鈞座。長聽教言。汲湖水以澡心。擲山雲而鍊性。幸得此身健在。皆荷解衣推食之恩。倘遇邊事偶生。敢忘擐甲執兵之報。袁總統報之曰。雖元老壯猷。未盡南服經營之用。而賢者久役。亦非國民酬報之心。勉遂謙懷。姑如所請。

黎見前。

袁總統屢徵康長素。康堅不起。袁以詞致之曰。京洛故人。河汾弟子。咸占彙進。宏濟艱難。愛國如公。寧容獨善。康舍曰。問道求賢。三徵未已。猥以銜恤。未酬隆情。情豈忘於憂國。而創深巨於思親。

康名有爲。廣東南海人。乙未進士。授工部主事。嘗上書光緒。言變法圖強。翁同龢疏薦之。稱其才勝己百倍。召入覲。命在軍機。京上行。走戊戌政變。慈禧大誅黨人。乃遁之日本。渡太平洋。徧遊歐美諸洲。成十一國遊記。共和建立。還國。項城屢徵不起。著書自娛。丁巳與復辟之謀。人問之。則曰。吾固保皇黨首領。保皇卽保清。是以主張復辟也。

程雪樓。嘗臨常州天寧寺。指一沙彌曰。和尚何以不應有髮。沙彌曰。爲除煩惱。而做和尚。豈能不削去三千煩惱絲。因問程曰。公亦和尚。何以有髮。程曰。余萬念都泯。不覺煩惱。雖做和尚。而煩惱絲可去。可不去。

程見前。

梁星海。以書報吳子修。云。門外大雪一尺。門內衰病一翁。寒鴉三兩聲。舊書一二種。公謂此時枯寂否。此人枯寂否。吳曰。趣人趣語。

梁名鼎芬。廣東番禺人。翰林院編修。以知府指分湖北。薦授漢陽府知府。移武昌府知府。擢漢黃總道。督按察使。張之洞最寵信之。獨攬大要。同官咸側目。一時物議沸騰。不安於位。開缺。以三品京堂候補。自是不復起矣。鼎革後。宣統師傳。陸潤庠歿。繼其任。兼崇陵陵工大臣。旋卒。清諡曰文節。吳名慶。浙江杭縣人。丙戌翰林。授編修。歷任外省學政。授湖南提學使。

李仲軒遊西湖。止息楊氏別墅。浙江將軍朱介人詣謁。稱呼曰大帥。李曰。勝朝督撫。例稱大帥。清亡帥何有。君爲疆吏。不應作是稱。余係平民。豈願聞斯語。朱大慙。

李名經。安徽合肥人。以優貢納粟爲道員。授四川永寧道。丁艱。開缺。服闋。授湖南鹽法長寶道。擢按察使。晉福建布政使。移雲南。擢雲南巡撫。因事革職。再起爲貴州巡撫。調廣西巡撫。乞病歸。宣統初起。爲雲貴總督。入民國。請爲政治會議主席。授審計院院長。未之官。旋授參政。項城稱帝。封嵩山四友。經義其一。六年。黃陂罷免國務總理段祺瑞。以之繼任。甫三日。而復辟之禍作矣。朱名瑞。浙

江海鹽人。南京武備學校卒業。以道銜充安徽督練公所提調。旋充浙江陸軍第二十一鎮管帶。鼎革後。浙江都督湯壽潛委充警備隊管帶。朱自請統兵援寧。乃率勁卒三千往。既捷。以功任第四軍軍長。湯退。蔣督。蓋繼任。未幾。蔣亦辭。遂授浙江都督。兼民政長。改任興武將軍。袁氏僭號。西南諸省紛紛興師。浙軍亦蠢蠢欲動。朱對衆曰。余受恩深重。軍自辭職。不能反抗。衆怒欲殺之。竟躍踏逃。澠。

章太炎。被禁京師龍泉寺。袁項城慮其以文字煽亂。欲殺之。內史監阮斗瞻諫曰。武學讀駱賓王之檄布。猶許爲人才。燕王受方孝孺之口誅。尙欲其不死。章之文章學術。不可多得。無罪而戮之。公之智豈下於燕王武嬰乎。袁動容。乃止。

章袁俱見前。阮名忠樞。安徽合肥人。以道員指分北洋。入袁項城幕。晉四品京堂。旋授順天府丞。入民國爲總統府秘書。擢秘書長。改任內史監。

俞恪士。結廬聖湖。以年來花柳剪伐日少。而西式樓閣益多。笑對客曰。西子雖趨時作歐美裝束。而丰韻猶存。洵不愧絕世佳人。客莞爾。

俞名朋。震京兆大興人。由翰林官道員。晉授甘肅提學使。權布政使。以詩名於時。著有觚庵詩集。

楊晴川。喜讀小說。或目之爲書痴。楊曰。小說之佳者。能使人泣爲之破涕。憂爲之解頤。行坐爲之忘寢食。

楊名毓。瓊安。安徽泗縣人。畢業京師譯學館。欽獎舉人。以七品小京官分大理院。入民國。爲交通部主事。辭職。入中國交通兩銀行。旋繼孫多森爲中日實業公司專董。呂調元在皖省長任。薦其才。以簡任職。交國務院存記。

客問李季。季曰。邇日往來者。都是何等人。李曰。閉門謝客。擁書自樂久矣。朝夕往來於室者。一貓一犬耳。

李名經。邁安徽合肥人。以一品蔭生。授工部員外郎。擢郎中。晉四品京堂。充出使比利時大臣。任滿返國。授河南按察使。移浙江按察使。超擢民政部右侍郎。

袁項城既殺王治馨。會將軍陸翊齋入謁。袁問曰。尊容何故消瘦甚。陸對曰。兔死狐悲。唇亡齒寒耳。袁色變。

袁見前。

陸名建章。安徽蒙城人。畢業北洋武備學校。積資保道員。授廣東雷州鎮總兵。移甘肅涼州鎮總兵。再移山東曹州鎮總兵。入民國。授陸軍中將。充京師軍警執法處處長。已而以將軍督陝西軍務。丙辰之役。師長陳樹藩舉兵攻之。遂走京師。

政事

趙勁修爲蓬州牧。事必躬親。案無留牘。客顧之曰。吾見牧令多矣。未見如君之勤政愛民者。勁修微笑曰。今之一行作吏。百里專城。兀然高踞民上。其精神多役於酬酢。以爲陟階之捷徑。故大都吏治廢弛。民生憔悴。予亦人民。民心卽我心。民事如己事。作官何止十年。但知謹守三字。曰清慎勤。

趙名金鑑。江西宜春人。丁酉拔貢。朝考列一等。以知縣指分四川。歷任蓬州大邑。濠縣。以平匪功。擢道員。授雲南騰越鎮總兵。入民國。隱居深山。項城屢徵之不起也。工詩。字亦勁秀。

樊樊山歷官陝西宜川渭南諸大邑。嫉惡如仇。聽訟明決。有仲由折獄之長。雜曼倩諛諧之筆。良善有所勸。而無情者不得盡其辭。凡對簿公庭。莫不相悅以

解世比之海剛峯陸稼書

樊見前

裴伯謙爲番禺縣知縣。前令積盜劫案凡五十。裴甫受事。廣州守謂之曰。倘能先破其二。三。論功亦匪細矣。裴對曰。治盜乃令之責。一月爲期。即全獲亦不難。守殊不信。甫廿日。累搜得盜巢。人贓並獲。蓋裴化裝入匪中。探其實。然後破其穴。一網而盡擒焉。守擊掌歎曰。古之龔虞無斯才也。

裴名景福。安徽霍山人。以名進士爲寧東學。屢任劇邑。其任南海時。總督岑春煊嚴疏劾罷之。遣戍新疆。未幾放還。入民國爲安徽政務廳廳長。工詩文。刊有游記詩集。

楊昧春守山西平陽。有巨賈自塞北滿載而歸。其妻啓篋。取珍品數事。以與女。而以被盜給賈。賈莫信。偵探多日。不能得。遂以被盜控諸縣。令不察。傳嫌疑者數人。至嚴刑拷問。卒誣服。問贓物。姑對曰。已售去矣。讞定。以文達府。楊震怒。斥令昏憤。委員詳查。得其實。傳賈及其妻女。親訊之一鞠而服。郡人以爲神。或問之。楊曰。此無他。惟審情度理耳。

楊見前

王子雲令南海。例報獄囚。微有錯。總督岑雲階召責之。王啓曰。首縣煩劇。例稟皆委於刑錢。故時或小誤。不及檢。各省多如是。非獨南海爲然也。岑恚曰。是豈牧令之存心耶。州縣爲親民之官。刑獄乃民命所係。例視而忽之。所失必多。刑獄猶然。其他可想。且妄援稗政圖委卸。是不自振作而甘爲俗吏終也。即日撤懲之。

王名崧。廣西人。

岑見前。

袁海觀。知銅山縣。銅山素多盜。盜魁張三里者。連羣數千。橫於江北。縣中大猾胥役。與根結相首尾。名捕三十年。瞠目相向。袁始至。陽縱不問。偵窟穴所在。驟起擒治之。駢戮其徒數十人。一邑訟爲神明。

袁名樹勛。湖南湘潭人。以知縣指分江南。歷權高淳。銅山。上海。浦南。匯。旋以知府分江西。司權景德鎮。劉忠誠疏薦其才堪大用。特授天津府知府。未之官。擢荆宜施道。調蘇淞太道。晉江蘇按察使。內擢順天府府尹。陟民政部左侍郎。外簡山東巡撫。擢署兩廣總督。乞病歸。民國三年。政府授爲參政院參政。未就。旋卒。

袁項城。治軍嚴輔。有營弁入民家食鴉片。袁執而誅之。諸弁糾五百餘人。咸稱有癮。罷工將見袁。袁戒衛卒多備刀索。至則縛而殺之。諸弁旋散去。左右聞之。謂曰。果來能盡殺之乎。袁曰。惟田橫之徒能同死。烏可律諸弁。示怯必來。示威必散。果來擬盡縛之。按名提問。認癮者立斬。不認者釋之。不過戮一二人。餘皆必不認矣。

袁見前。

沈子惇。以侍郎總裁法律館。廣延中外法學名家爲之佐。探微索奧。譯成各國法律書數十類。犁然知異同之原。與改革緩急之計。廢舊律。訂新律。綱舉目張。循序漸進。刪繁補漏。鎔舊鑄新。歷層累曲折。而終底於成。僉曰。子惇修訂法律。革歷朝之稅制。而主輕刑。采列國之成規。以蘄合轍。實伯夷降典以來所未有。

沈見前。

楊杏城。持節渡南洋。稔知僑民久困於外人苛法重稅。立與美官和官約。蠲苛例。置領事官。設商會。僑情大悅。旣反命。力陳僑民忠愛狀。並條陳所以維持招

練之道。上嘉納。

楊見前。

林贊虞。由御史出守雲南。昭通對衆曰。爲政大旨。在爲民興利。先爲民除害。治昭通一年。劾貪官劣紳。懲猾吏蠹役。曰。此四者不除。百姓不聊生。及爲河南巡撫。劾道府以下不職者。逾百人。將去。猶劾數十人。曰。終不留爲汙民害。

林名紹。年福建閩縣人。甲戌進士。由翰林官廣西道監察御史。簡授雲南昭通府知府。調補雲南府知府。擢巡南兵備道。晉貴州按察使。歷雲南貴州布政使。雲南貴州廣西河南巡撫。民政部左侍郎。倉場侍郎。權郵傳部尚書。軍機大臣。上行走國。復後隱居析津。

子葆恒。舉人以道員指分直隸。一度

權提學使。入民國久於銀行界。有才名。

錢銘伯。爲安襄勛。荆道。絕饋遺。親賢士。嚴緝捕。興善舉。嘗對人曰。爲政貴力行。尤貴盡心。予雖遇事力行。惟恐不盡心耳。

錢見前。

黃凝齋。爲定興令。邑常拳匪亂後。瘡痍滿目。案牘若山積。凝齋嘔喻損瘠。訟無宿留。囹圄爲之一空。

黃見前。

曹根蓀守山東青州郡。故有駐防滿營。其兵米由濟南所屬各州縣折銀解府。由府以銀易錢。按月支放。歲必與濟南各屬爭折價。月必與駐防各官爭米價。利藪所在。官事掣肘。曹曰。此市道也。何足以治民。請於撫軍。按月以折銀盡數轉解。滿營百餘年積弊。爲之一清。

曹名允。源江蘇吳縣人。己丑進士。官工部主事。兩遷至郎中。外簡直隸宣化府知府。調山東青州府知府。再調湖北襄陽府知府。權漢陽。記名以道員。在任候補。生平守正不阿。足跡不至權貴門。雖獲上得民。而內無奧援。故作郡十餘年。未嘗進一階。清未士大夫中。不數數睹也。工詩古文辭。著有復盦類稿八卷。公牘四卷。鬻字齋詩略四卷。

趙醴泉。歷任四川富順安岳德陽。獎善懲惡。親賢遠佞。所至獄無罪犯。野無盜賊。治蹟爲天下冠。

譚名勳。山西河曲人。庚寅進士。以知縣分四川。即用。歷任劇缺。累保至道員。錫良督滇。調充雲南防軍。經餉銀夥繁三省。復薦爲黑龍江民政使。以防疫事。爲巡撫周樹模所劾罷。非其罪也。入民國政府任爲山東民政長。不就。

楊俊卿授淮揚海道。江北水災。嗷鴻遍野。楊曰。此應令諸州縣辦賑。免其流離。以治其本。以清江浦流養。杜其南下。以治其標。遂築廠八十。悉居災民。積至五十餘萬人。免厘停征。散米給錢。招徠商販。沿廠市買。儼成村鎮。派員馳赴各邑。力籌賑撫。經營既定。乃以資遣。衆相率而去。去速且盡。輿論比諸北宋富鄭公。楊名文鼎。雲南蒙自人。己卯進士。由郎曹致官道員。試用江寧。擢淮揚海道。旋真除。擢貴州按察使。移湖北。擢布政使。構總督。晉授湖南巡撫。調陝西巡撫。

胡瓊。字淵。勸縣二十八寨有積盜。三年易八令。不能治。胡至。告戍將曰。請兵捕討。寇得爲備。今出不意。往可破禽也。我先行。君繼之。戎服佩刀。夜襲。禽諸盜。斬之一縣肅清。

胡名國瑞。湖南攸縣人。舉人。大挑知縣。分發雲南。屢任州縣。補平江令。國變後。未幾。投井死。

沈子均。銓授桃源縣訓導。或謂君學官無以自見。蓋棄之。沈曰。官不負人。人自負官耳。天下安有不能舉之職哉。比抵任。召邑中知名士。關精舍。講學其中。所造就綦衆。張蔚西學行卓卓。其一也。

沈名保。衡江蘇武進人。舉人。由桃源縣訓導。晉階知縣。分發安徽。屢充稅務。有賢聲。著有稷堂詩文集。稷堂詩話。

張名相文。江蘇桃源縣人。衆議院議員。

沈淇泉。督學關中。裁宏道味經崇實三書院。創宏道大學。羅致中外新書。纂爲提要。授諸生。循途講習。三輔風氣。爲之開化。沈召耆老而告之曰。予知無不爲。爲無不實。去之日。父老。士女攀轅遮道者。傾城空巷而來。有送至百里外。而猶不忍去者。

沈名衛。浙江嘉興人。翰林院編修。出督陝西學政。入民國。爲國史館編纂。

楊蔚霞。先後令無錫。崇明。爲治清峻。深得民心。接僚佐和藹。多厚德。事上官。鯁直。捐顧忌。合則嘗畫策。不合必力爭。崇明地居海濱。俗開化不勞而理。去之日。老弱夾道歡送。同聲歎曰。安復得此賢令尹。

楊見前。

嚴子猷。守福寧十有七年。移汀州。戒裝。耄弱依依。遮祖道。爭言仁侯臨我久。比翁嫗之狎子姓。今棄我。奈何。多泣下者。

嚴名良。勳江蘇吳縣人。卒業廣方言館。以主事擢郎中。佐吳贊誠治福建船政。以勞績保知府。簡授福

寧府知府。調汀州。再調泉州。三調權福州。子家熾。累官至廣州府知府。擢權巡警道。入民國。任廣東財政廳長。兩任湖南財政廳長。

勞玉初。宰吳橋。居官廣明。獎學勸農。惠工守法。息交涉。利交通。百廢俱舉。時稱畿輔第一循吏。

勞名乃。宣浙江樹鄉人。甲戌進士。以知縣分直隸。歷權清苑。豐潤。除吳橋。內用吏部主事。晉四品京堂。充憲政編查館參議。出爲江蘇提學使。民國三年。政府授爲參政院參政。力辭不就。

劉春霖。鎮守川邊。嘗短衣策騎。出巡郊外。一日。捕盜黃水河。腰腿皆傷。死守弗退。卒殲厥渠魁。脅從亦盡斃。賊衆戲呼曰。劉拚命。

劉名銳。恒四川涪縣人。由士卒累官至副將。擢雲南臨元鎮總兵。晉雲南提督。民國三年。起爲川邊鎮守使。

王聘三。布政中州。事無洪纖。皆委曲周詳。接僚屬。細語溫溫。視若子弟。某令材士也。無罪奪官。王察其實。力請於撫軍。復之。撫軍曰。令卽予罷。劾胡可。出爾反爾。王正色曰。是非不明。進退無據。則貪官負高名。賢吏蒙冤。抑爲上官者。詎可不詳審耶。撫軍大有媿色。

王名乃徽。四川中江人。由翰林官御史。有聲諫垣。出守江西撫州。諸疆吏交章薦其賢。遂以道員存記。載禮攝政。以素器其人。立擢爲湖南岳常澧道。再擢江西按察使。未之官。三擢順天府尹。出爲湖南布政使。調湖北。抵任未一月。歲湖廣總督自知府攝兼圻。爲期甫數月。清代所罕見也。總督瑞澂抵任。與之政見不合。乃移任貴州布政。鼎革後。家於海上。自稱酒道人。鬻醫自活。

庚子之亂。慈禧后方弄權專政。召百官入覲。諭各據所見。朱古徵越次奏曰。皇太后信奸黨。恃亂民。以敵外國。今禍在眉睫。乃欲逐衆匪。不知屬意何人。辦此重大之事。慈禧曰。董福祥可靠。朱曰。董福祥老奸巨猾。斷不可恃。慈禧正色厲聲曰。爾何姓名。何官職。竟胆大。乃爾。朱曰。臣爲侍讀學士。朱某。心所謂危。不敢不告。刀鋸斧鉞。乃所不辭。及退。慈禧猶怒。目送之。

朱名祖謀。浙江吳興人。癸未進士。授編修。陟侍講。歷階侍讀學士。晉禮部左侍郎。出任廣東學政。乞病歸。結廬吳門。日以詩詞自遣。宣統三年。授弼德院顧問大臣。辭不就。工填詞。世無其匹。著有彊村叢書。詳見文學門。

趙芝珊爲寧夏府知府。時隴上駐軍什九皆回人。故提督董福祥之舊部也。董擁資逾千萬。私儲軍械無算。政府深引爲慮。趙蒞任。向其子若孫。曉以利害。衆

感悟。盡獻藏甲。且報効鉅饜。羣疑遂釋。總督升吉甫專疏稱其才。曰：今之麗土元也。

趙名惟熙。江西南豐人。庚寅進士。授編修。先後任陝西、貴州學政。旋以京察一等。簡甘肅、寧夏府知府。擢巡警道。擢布政使。辛亥蘭州兵變。以平亂功。被舉爲都督。旋政府特授陸軍上將銜。任爲甘肅都督。未幾。開缺。留京充政治會議議員。繼授參政院參政。升見前。

朱子喬。統奉天巡防軍。駐錦州。時日俄戰方烈。避兵者。齎集其境。子喬日夕策騎指揮諸軍。巡視獲匪。便宜斬之一境。安謐。將軍趙次珊得報。震怒。以文中斥曰：此何等事。竟不稟命而行乎。子喬奮曰：治匪貴神速。則便宜行之。亦何罪。

朱名慶。瀾浙江紹興人。以知縣歷官至道員。充奉天巡防軍統領。旋隨四川總督趙爾巽之蜀。擢四川陸軍統制。民國任黑龍江都督。兼民政長。改授鎮安右將軍。督理黑龍江軍務。乞病去。起爲廣東省長。任事未久。又辭職。出巨資興辦實業。嘗從南通張等遊。頗著成效云。

趙名爾巽。山東泰安人。甲戌進士。授編修。充湖北巡試主考官。補御史。出任貴州安順府知府。調貴陽首府。陟貴東道。擢安徽按察使。再擢新疆布政使。丁艱。守制。起爲山西布政使。護巡撫。調補湖南巡撫。督署戶部尚書。復外任奉天將軍。未幾。授湖廣總督。移四川總督。再移東三省總督。辛亥軍興。衆舉爲奉天保安會會長。以都督

名義維持地方。迨南北統一。共和政府成立。袁總統遂授爲奉天都督。旋乞病歸。起充清吏館總裁。繼又兼參政院參政。項城爵位封嵩山四官。趙其一。

沈思齊。以名孝廉令仁和一。日。飢民聚數千人。圍跪撫院。哀乞救濟。聲音不得請。不去。撫軍慮有變。亟召首令。沈單騎至。對衆曰。爾輩無譁。本縣已購儲米糧。將散放。望爾輩明日齊入散放所。依次領取。衆聞語大安。紛紛散去。沈入報撫軍。撫軍曰。應變之才。吾愧莫如子矣。

沈名維賢。江蘇松江人。以舉人試令浙江。歷官嘉興桐鄉。石門。仁和。諸劇邑。保知府。入民國。先後任江蘇省議會議長。議員。清宣統間。宰仁和。巡撫增強令彈壓飢民。思齊事先無所聞。既至。知非空言所能解。乃詭言已購米待放。飢民信之。乃取將倉中積米數千石散放。而飢民莫能爲亂矣。

張金波。久官遼東。三十年間。馳騁關外。捕賊却敵。排難解紛。抑強扶弱。滿蒙羌漢。望若神人。有快馬張之名。家人婢媼。舉其名以止兒啼。羣目爲張遼第一。

張名錫鑾。浙江杭縣人。以佐貳久官湖北。擢知縣。累保道員。授奉天興鳳道。因案革職。再起任原缺。樞度支使。旋開缺。加副都統銜。充奉軍翼長。山西巡撫吳祿貞被刺。死於石家莊。繼其任。入民國。授陸軍上將。爲直隸都督。移奉天。改任鎮安上將軍。督理奉天軍務。兼管吉林黑龍江軍務。調湖北。未之官。內

任上將軍。能詩。著有張郡謹集。

金道堅。宰故城。故城民風悍暴。素多逆倫案。有母控其子忤逆有據。金親鞠訊。盡得其實。大怒。命弁重笞之。立斃杖下。民懷其德。而畏其威。相誠無敢犯。

金名永。浙江杭縣人。初以知縣需次直隸。歷任定州知州。安平。故城。邯鄲等縣知縣。所至有聲。東督徐世昌聞其賢。調之。關外。樞密州知州。授新民府知府。移建城府知府。攝奉天巡警道。入民國爲山西內務司長。晉巡按使。

趙芷孫。趙竺垣。江杏邨。同爲諫官。直言極諫。以風力聞天下。時稱三御史。

趙名啓霖。湖南湘潭人。壬辰進士。授編修。遷御史。以嚴詞彈劾親貴。罷去。起爲四川提學使。

名炳麟。廣西全縣人。乙未進士。入翰林。授京畿道監察御史。嘗羅舉京外大吏不法狀。列諸彈章。以是罷職。旋授四品京堂。充廣西鐵路總理。入民國爲衆議院議員。外任山西實業廳廳長。江見前。

光宣之交。三御史既罷黜。繼起者有胡瘦唐。尤負倔強名。嘗憤端方罔利行私。奸貪不法。劾之。曰。論今日疆吏之寄。莫要於南洋。近時大吏之污。莫甚於端方。疏入。即獲被出都。人問之。曰。朝貴方袒護端方。余斯舉無異自投法網。且歸去。一覘結果。以是直聲震海內。

胡名思敬。江西新昌人。乙未翰林。授編修。擢御史。以彈劾端方得名。平居好讀書。廉俸所入悉購置書籍。捐藏圖書數千卷於豫章圖書館。

楊渭叟爲嘉興府知府。有管帶董耀庭者。以非罪陷獄。判處有日矣。揚深悉其冤。爲文力爭於撫院。撫不報。更以情達督部。督據以咨撫。令查明復審。遂出董於獄。一日。閹者入刺視之。董也。辭不見。固請。乃延之入。董叩首嗚咽曰。某久陷冤獄。微公已入鬼錄矣。再生之德。何以報之。楊曰。予爲官。據法出無辜。職責應爾也。

楊見前。

董名道勝。安徽人。起家行伍。以營官管管帶。隸嘉防營統領部。擢幫統。再擢統領。入民國爲游擊隊統領。擊匪死於召州戰地。追贈陸軍少將。

朱小笏知秀水縣。有內河水師營弁糾合散卒。劫巨商顧姓家。朱得報。率隊往捕獲數盜。餘皆竄去。還署。及途。一盜迎面而至。舉手作放槍狀。朱立下。與伴曰。吾知爾非劫案中人。奈何亦欲行凶耶。盜不虞有他。從容掠輿而過。從弁即執而繫之。朱曰。不一網打盡。後患即在目前。乃親詣營。擒行劫之諸弁。置諸法。自是終任三年。城內外不復見盜之蹤跡。

朱名啓。鳳江蘇宜興人。以進士即用知縣。分浙江。歷任仁和錢塘秀水諸縣。保知府。權杭州府知府。再保道員。改分河南內調。監政院顧問官。記名刑德院參議。入民國。杜門不出。

譚芝雲。爲衡永彬桂道。爲治七年。衡永災旱相繼。彬桂亦半歲不雨。四州飢民數十萬。求訴于官。諸牧無策以救之。譚歎曰。是固吾之責。頓解囊資。然杯水車薪。何濟於事。急乞憐鄂湘督撫。及漢滬巨商。有得即散放。散放必平均。賴以生活者。十人中有八九。衆感之刺骨。相與伐石樹坊於衡之漾湘門。以誌不忘。

譚名啓。瑤貴州鎮遠人。壬辰翰林。授編修。改官道員。指分直隸。授陝西潼商道。移湖南衡永彬桂道。歷權勸業道。鹽法長官道。按察使。布政使。入民國。任國史館纂修。

辛亥軍興。黎宋卿威振江漢。天下向風。林頌亭身先士卒。百戰百勝。唐少川舌戰羣英。心力俱瘁。伍秩庸弭定共和。百折不回。段芝泉首請遜位。威加萬乘。汪精衛和會南北。轉危爲安。國人頌功績者。僉稱此六人。

黎見前。林名述。慶福建閩縣人。少年側儻。有大志。嘗憤然曰。男兒居今不學。萬人敵。願以文書終。耻其焉。於是挺身投福建武備學校。既卒業。充南京三十三標一營排長。擢隊官。晉三十二標三營管帶。改三十四標二營管帶。擢統領。辛亥之役。鎮江蘇州杭州上海聯軍攻金陵。述率鎮軍直撲

天保城。猛戰七晝夜。身先士卒。冒矢石以登。克之。衆推爲南京都督。辭不就。政府稽功。授陸軍中將。加上將銜。唐名紹儀。廣東香山人。留學美國。精英語。任朝鮮稅務委員。結交袁世凱。世凱屢援引之。以縣丞累保至道員。授津海關道。旋開缺。晉授三品京堂。議英藏條約。差竣。授郵傳部右侍郎。出任奉天巡撫。以事使華盛頓。還朝。奉撫己另簡人。得以侍郎候補。未幾。代徐世昌爲郵傳部尚書。辛亥軍興。袁項城薦之爲議和全權代表。挈隨員數十人至滬。南方議和領袖則伍廷芳。主張惟翻清室。改建共和。紹儀固醉心西方法制。深表同情。遂交換條件。迫清帝遜位。建中華民國。共和政府。舉袁世凱爲臨時大總統。袁既就職。授紹儀爲國務總理。以借外資事。爲國會質問。憤而辭職。有謂是乃袁項城所嗾。紹儀銜之刺骨。反好爲仇。癸丑之役。丙辰之役。紹儀以表示反對。皆與謀。黃陂正位。任爲外交總長。以軍人反對。未能之官。伍見前。段名祺。安徽合肥人。北洋武備學校畢業。軍事學問。寇同儕。袁項城練兵小站。任爲教練處總辦。歷官統制。擢加侍郎銜。署江北提督。辛亥授第二軍軍統。兼湖廣總督。聯合諸將。傾電逼清帝宣統遜位。共和成立。任陸軍總長。授陸軍上將。政府設將軍府。授建威上將軍。管理府事。一出督鄂。再出督汴。爲日苦甚。鄂項城僭位。反對最烈。乞病退。及總統制取消。恢復國務院。起爲國務總理。兼陸軍總長。自是旅進旅退。汪見前。

趙烟客爲內務部長時。京師兵變。全城鼎沸。各區巡警將列隊出而彈壓。趙止之。令所有崗位一律退去。或詫問其故。趙曰。巡警非能與兵戰。戰則徒令送死。

勢窮且從而附和之。其禍更烈。俟天曉。此輩必棄械竄散。爾時擒之易矣。及明果如臆度。

趙見前。

李秀山。馭軍嚴肅。所向秋毫無犯。一弁市布疋。給值不如數。肆主力爭之。弁怒拳擊傷其額。適爲巡查所見。訴諸李。立賞諾法。以頭示衆。曰：有犯者亦如此。頭顱諸卒戰慄。至不敢仰視。

李名純。直隸天津人。北洋武備學校高材生。馮國璋爲小站練兵總辦。授之爲營官。三選統領。擢新軍協統。晉第六鎮統制。入民國。授陸軍中將。充第六師師長。二年。授江西護軍使。未幾。擢江西都督。晉上將。三年。改授昌武將軍。督理江西軍務。五年。改稱督軍。六年。移督江蘇。九年。授英威上將軍。蘇皖贛巡閱使。令下。甫旬日。以手鎗自斃。遺書殷殷。以國事爲念。識者哀之。

馬雲亭。護軍寧夏。調漢回。斃強蘇。奕。匈商賈還之肆。出帑金二十萬。散旂爲民。輸器拔械。勗以恆業。軍民大和。皆曰：馬公活我。

馬名福。詳甘肅固源人。起家武舉。歷官至阿爾泰總兵。入民國。爲寧夏護軍使。授陸軍中將。加上將銜。
閻百川。治軍山右。兼筦民政。修武備。講吏事。興教育。拓實業。革陋俗。三晉治績。

冠絕海內。

闕名錫山。山西五台人。日本士官學校畢業生。歷任陸軍軍官。辛亥之役。被舉爲山西都督。旋政府授爲同武將軍。督理山西軍務。改任討軍兼省長。

許萬人。巡按八閩。勵精圖治。築馬路。闢公園。設勸業會。編書報。提倡銀行公司。諸事業。凡有益民生者。幾靡不樂爲之。嘗出巡諸邑。爲文以紀之。曰閩海巡記。一時三山耆宿交稱曰。萬人不媿爲目下之良吏。

許名世。英安徵秋浦人。拔貢。朝考一等。官刑部七品小京官。擢主事。赴日本習法政。徐世昌督遼東。聘爲奉天高等審判廳廳丞。旋授山西提法使。民國元年。爲司法總長。二年。授奉天民政長。四年。授福建巡按使。五年。任內務總長。移交通總長。

王志襄。任山東高密縣知事。孫純齋。任直隸定縣知事。厲行新政。條理井然。王治績尤著。一時有兩模範縣之稱。袁項城嘗舉以誥令全國。謂凡爲牧令者。應以王爲鑑。遂破格擢爲京兆尹。獎其勤勞。袁歿。黎黃陂繼位。孫入覲。黎曰。子尙屈任百里耶。立下令授山東省長。欣然曰。子治定縣。稱模範縣。願子治魯省。亦稱模範省。

王名達。安徽涇縣人。以知縣官直隸。人民國。爲山東高密縣知事。袁項城嘉其政績優良。超擢爲京兆尹。孫名發。緒安徽桐城人。隨黎黃陂治軍湖北。以有功共和。授勳五位。充漢口電報局局長。卸職後。願屈志百里。求黃陂書介紹于直隸省長朱家寶。朱一見。歎若生平。委權定縣。旋真除黃陂爲總統。超擢山東省長。移山西省長。

莊思緘。爲審計院長。有某官。僞造單據。浮報用途。審查鈎稽。盡得其破綻。莊咨國務院懲治之。院以其人已辭官。可置弗議。莊堅欲獲其人。依法審辦。而後已。院不理。乃入告總統。雖格不能行。而聞者肅然。

莊名蘊。寬江蘇武進人。以道員指分廣西。授太平思順道。旋開缺。充防軍統領。入民國。元年爲江蘇都督。三年任都肅政史。四年任審計院院長。